

1 ЖАЛПЫ ЕРЕЖЕЛЕР

1.1 КІРІСПЕ

Осы ережелер Қазақстан Республикасының заңнамасына және нормативтік-құқықтық актілеріне сәйкес WorldSkills Kazakhstan кәсіби шеберлік конкурстарын (бұдан әрі – Чемпионат) ұйымдастыру және өткізу тәртібін айқындайды.

WorldSkills Kazakhstan қозғалысының миссиясы – жұмысшы мамандықтарының беделі мен дайындық деңгейін арттыру, республиканың экономикалық өсіміне және азаматтардың жеке мансаптық өсуіне қол жеткізуде кәсіби дағдылардың маңыздылығын күшейту.

WorldSkills Kazakhstan ұлттық чемпионаты мыналардан тұрады:

1. Аймақтық чемпионаттар;
2. Салалық/корпоративтік чемпионаттар;
3. Республикалық чемпионат.

1.1.1 ЧЕМПИОНАТТЫҢ РӨЛІ, МАҚСАТЫ ЖӘНЕ МІНДЕТТЕРІ

Рөлі:

WorldSkills Kazakhstan ұлттық чемпионаты – кәсіби шеберлікті айқындайтын ресми конкурс болып табылады. Ол жоғары деңгейде дайындығы бар, болашағынан үміт күттіретін жастарды анықтауды және қолдауды қамтамасыз етеді, ұлттық кадрлық резервті қалыптастырады және WorldSkills қозғалысының халықаралық конкурстарына қатысуға кандидаттарды іріктеуге мүмкіндік береді.

Мақсаты:

Қазақстан Республикасының дарынды, кәсіби бағдарланған жастарын анықтау және дамыту үшін жағдай жасау, сондай-ақ WorldSkills халықаралық стандарттарына сәйкес кәсіби даярлық деңгейін объективті бағалау.

Міндеттері:

- кадрларды даярлау жүйесін қалыптастыру мен бағалауға индустрия және экономиканың нақты сектор өкілдерін тарту;
- кәсіби даярлық мазмұны мен бағалау тетіктерін халықаралық озық тәжірибелер мен WorldSkills стандарттарын ескере отырып жаңарту;
- Қазақстан Республикасының сарапшылар қауымдастығының кәсіби деңгейін арттыру және дамыту.

1.2 НЕГІЗГІ ҚҰНДЫЛЫҚТАР

Чемпионаттың негізгі құндылықтары: кәсіби шеберлік, бағалаудың әділдігі мен объективтілігі, инновациялық даму, адалдық, серіктестік және рәсімдердің ашықтығы.

1.3 ҚАҒИДАЛАРДЫ ҚОЛДАНУ АЯСЫ

Осы Қағидалар Қазақстан Республикасының бүкіл аумағында WorldSkills Kazakhstan аймақтық чемпионаттары мен республикалық чемпионатын ұйымдастыру және өткізу бойынша бірыңғай талаптар мен рәсімдерді белгілейді.

Осы Қағидалардың күші Чемпионатты ұйымдастыруға және өткізуге қатысатын барлық тұлғаларға қолданылады, оның ішінде: қатысушылар, сарапшылар, техникалық делегаттар, техникалық делегаттардың ассистенттері, тим-лидерлер, бақылаушылар, сондай-ақ Чемпионат шеңберінде функциялар мен рөлдерді орындайтын басқа да тағайындалған тұлғалар (бұдан әрі – Қатысушылар).

1.4 ТӘРТІПТІК ЖАЗА

Осы Ережелердің талаптарын бұзған немесе Чемпионатты тиісті деңгейде ұйымдастыруға және өткізуге кедергі келтіретін әрекеттерге (әрекетсіздікке) жол берген аккредиттелген Қатысушыларға осы Қағидалардың 12-бөлімінде белгіленген тәртіпке сәйкес тәртіптік ықпал ету шаралары қолданылады.

2 ЖАРЫСТАРДЫ ҰЙЫМДАСТЫРУ

2.1 ЖАЛПЫ БАСШЫЛЫҚ

2.1.1 БАС АССАМБЛЕЯ

Бас Ассамблея – **WorldSkills Kazakhstan қозғалысының** жоғары алқалы басқару органы болып табылады. Бас Ассамблея отырысында қабылданған шешімдер WorldSkills Kazakhstan қозғалысының Қатысушылары үшін міндетті болып табылады.

2.1.2 ҰЛТТЫҚ ОПЕРАТОР

WorldSkills Kazakhstan қозғалысының Ұлттық операторы Қазақстан Республикасы Оқу-ағарту министрлігінің бұйрығымен айқындалады.

2.2 ЧЕМПИОНАТТЫ БАСҚАРУ

WorldSkills аймақтық чемпионаттарын басқару белгіленген тәртіппен құрылатын **Ұйымдастыру комитеті** арқылы жүзеге асырылады. Ұйымдастыру комитеті аймақтық деңгейде Чемпионаттарды дайындау және өткізу бойынша жалпы басшылықты қамтамасыз етеді, сондай-ақ тиісті аймақ шегінде Қатысушылардың өкілеттіктерін, функцияларын және жауапкершілігін айқындайды.

WorldSkills Kazakhstan республикалық чемпионатын басқаруды **Ұлттық оператор** жүзеге асырады. Ол Чемпионатты дайындау мен өткізудің жалпы басшылығына жауап береді, WorldSkills Kazakhstan қозғалысы Қатысушыларының өкілеттіктерін, функциялары мен жауапкершілігін белгілейді және осы Қағидалардың талаптарының сақталуын қамтамасыз етеді.

2.3 ШАРТТАР ЖӘНЕ ИНФРАҚҰРЫЛЫМ

Аймақтық чемпионаттың Ұйымдастыру комитеті және Республикалық чемпионаттың Ұлттық операторы (бұдан әрі – **Ұйымдастырушы**) барлық Қатысушылар үшін тең қатысу жағдайларын қамтамасыз етуге міндетті.

Ұйымдастырушы Чемпионатты өткізу үшін қажетті ұйымдастырушылық, техникалық және инфрақұрылымдық жағдайларды жасауы тиіс. Бұған әрбір құзырет бойынша тиісті үй-жайларды, жұмыс алаңдарын және жабдықтарды

құзыреттіліктің техникалық сипаттамасына және инфрақұрылымдық параққа сәйкес құрады.

2.4 ЧЕМПИОНАТ БАҒДАРЛАМАСЫ

Ұйымдастырушы Чемпионатты өткізуге арналған барлық Қатысушылар үшін міндетті жалпы бағдарламаны, сондай-ақ Чемпионаттың ашылу және жабылу рәсімдерінің бағдарламасын әзірлеуді және бекітуді қамтамасыз етеді.

3 ҚҰЗЫРЕТТІЛІКТЕР

WorldSkills Kazakhstan қозғалысы келесі салаларды қамтитын құзыреттіліктер арасындағы теңгерімді сақтауға және дамытуға ұмтылады:

- Құрылыс және құрылыс технологиялары
- Ақпараттық және коммуникациялық технологиялар
- Өндірістік және инженерлік технологиялар
- Өнер және дизайн
- Әлеуметтік және жеке қызметтер
- Көлік және логистика
- Білім беру
- Экономика және құқық
- Ауыл шаруашылығы

3.1 ҚҰЗЫРЕТТІЛІКТЕРДІҢ АУҚЫМДЫҒЫ

WorldSkills Kazakhstan қозғалысы барлық тоғыз сектор аясында құзыреттіліктер мен жарыс форматтарының тізбесін келесі бағыттар бойынша дамытып, кеңейтеді:

Технологиялық және салалық даму – экономиканың бәсекеге қабілеттілігін және салалардың тұрақты дамуын қамтамасыз ететін заманауи кәсіби құзыреттіліктер;

Цифрландыру, АКТ және жасанды интеллект – ақпараттық-коммуникациялық технологиялар, процестерді цифрландыру, киберқауіпсіздік, жасанды интеллект, деректерді талдау және зияткерлік ақпараттық жүйелерді енгізу саласындағы құзыреттіліктер;

Инновациялар және озық технологиялар – робототехникалық, автоматтандырылған және үшқышсыз жүйелерді әзірлеу, бағдарламалау және пайдалану, соның ішінде зияткерлік шешімдерді біріктіру;

Әлеуметтік және әмбебап дағдылар – коммуникациялық, басқарушылық және пәнаралық құзыреттер, соның ішінде креативтілік, бастамашылдық, командалық жұмыс және күрделі кәсіби міндеттерді шешу;

Мәдени және қолданбалы мұра – дәстүрлі кәсіп түрлерін, ұлттық қолөнерді және мәдени мұраны қазіргі заманғы технологияларды қолдана отырып көрсететін құзыреттіліктер.

3.2 КОНКУРСҚА ҚҰЗЫРЕТТІЛІКТЕРДІ ІРІКТЕУ

Конкурсты өткізу үшін құзыреттіліктерді іріктеу Қазақстан Республикасының экономикасының өзекті қажеттіліктерін, аймақтардың

элеуметтік-экономикалық ерекшеліктерін талдау негізінде, сондай-ақ тиісті құзыреттіліктерге нақты сұранысты ескере отырып жүзеге асырылады.

Бұл ретте **70/30 қағидатын** сақтау ұсынылады:

- құзыреттіліктердің **70%-ы** өңірлердің элеуметтік-экономикалық ерекшеліктері мен аймақтық чемпионаттардың нәтижелері негізінде анықталады;
- қалған **30%-ы** ұйымдастырушының бастамасы мен басымдықтарына сәйкес қалыптастырылады.

Бұл инновациялық бағыттарды енгізу, озық дамуды қамтамасыз ету және WSK жүйесінің стратегиялық міндеттерін іске асыру мақсатында жүзеге асырылады.

3.3 ҚҰЗЫРЕТТІЛІКТЕРДІҢ ТҮРЛЕРІ

ҚҰЗЫРЕТТІЛІК	ҚАТЫСУШЫЛАРДЫҢ САНЫ	CIS ЖҮЙЕСІ	ЧЕМПИОНАТ ЕРЕЖЕСІ	МЕДАЛЬДАР	ҚАТЫСУШЫЛАРДЫҢ ҚОРЫТЫНДЫ НӘТИЖЕЛЕРІ
Ресми	6 қатысушы	✓	✓	✓	✓
Ресми командалық	6 команда	✓	✓	✓	✓
Демонстрациялық	3 - 5 Қатысушы (команда)	✓	✓	✓	✓
Презентациялық (Көрсетілімдік)	3-тен аз қатысушы (команда)				

3.3.1 Ресми құзыреттіліктер (жеке)

Ресми жеке құзыреттіліктер кемінде алты конкурсанттың қатысуымен өткізіледі. Осы құзыреттіліктер бойынша конкурс CIS жүйесін қолдану арқылы және Чемпионат қағидаларына сәйкес өткізіледі.

Конкурс қорытындысы бойынша медальдар беріледі, ал қатысушылардың нәтижелері Чемпионаттың қорытынды нәтижелеріне енгізіледі.

3.3.2 Ресми құзыреттіліктер (командалық)

Ресми командалық құзыреттіліктер кемінде алты команданың қатысуымен өткізіледі. Бағалау CIS жүйесін қолдану арқылы және Чемпионат қағидаларына сәйкес жүзеге асырылады.

Конкурс нәтижелері бойынша медальдар тағайындалады, ал командалардың қорытынды нәтижелері Чемпионаттың жалпы қорытынды нәтижелеріне енгізіледі.

3.3.3 Демонстрациялық құзыреттіліктер

Демонстрациялық құзыреттіліктер үштен беске дейінгі конкурсанттар немесе командалардың қатысуымен өткізіледі. Конкурс CIS жүйесін қолдану арқылы және Чемпионат қағидаларына сәйкес жүргізіледі.

Демонстрациялық құзыреттіліктердің қорытындысы бойынша бір медаль тағайындалуы мүмкін, ал нәтижелер Чемпионат шеңберінде тіркеледі.

3.3.4 Презентациялық құзыреттіліктер

Презентациялық құзыреттіліктер үштен аз конкурсанттар немесе командалардың қатысуымен өткізіледі. Өткізу CIS жүйесін қолданбай және Чемпионат қағидаларының қолданылуынан тыс жүзеге асырылады.

Презентациялық құзыреттіліктер бойынша медальдар берілмейді және қорытынды нәтижелер қалыптастырылмайды.

3.4 ЖАҢА ҚҰЗЫРЕТТІЛІКТІ ЕНГІЗУ

WorldSkills Kazakhstan қозғалысы жаңа құзыреттіліктерді енгізуді қолдайды.

Қатысушы аймақ жаңа құзыреттіліктер бойынша Чемпионаттар өткізіп, оларды Ұйымдастырушыға ұсына алады.

3.5 ҚҰЗЫРЕТТІЛІКТІ АЛЫП ТАСТАУ

Осы бөлімде құзыреттіліктерге қатысты шешім қабылдау тәртібі олардың мәртебесіне, сондай-ақ алдын ала тіркеу кезеңіндегі және Чемпионатқа нақты қатысқан қатысушылар санына байланысты белгіленеді.

Кестеде құзыреттіліктерді сақтау, мәртебесін өзгерту немесе ағымдағы Чемпионат бағдарламасынан алып тастау шарттары, сондай-ақ Ұйымдастырушы тарапынан қабылданатын тиісті ұйымдастырушылық шаралар көрсетіледі.

Бұл шаралар қатысушылардың мәлімделген және нақты құрамын, конкурстың өткізу форматын және қаржыландыру көздерін ескере отырып қабылданады.

КОНКУРС МӘРТЕБЕСІ	ҚАТЫСУШЫЛАР- ДЫҢ АЛДЫН-АЛА ТІРКЕЛУІ	НАҚТЫ ҚАТЫСУШЫЛАР	ҚАБЫЛДАНАТЫН ШАРАЛАР
Ресми құзыреттілік	Кемінде 6 қатысушы (6 команда)	Кемінде 6 қатысушы (6 команда)	Бекітілген кезде ағымдағы Чемпионаттың тізіміне енгізіледі
Ресми құзыреттілік	Кемінде 6 қатысушы (6 команда)	3–5 қатысушы немесе команда	Демеушілер болған жағдайда және/немесе шығындар өтінім берген қатысушы тарапынан жабылған жағдайда ағымдағы Чемпионат тізіміне демонстрациялық құзыреттілік ретінде енгізіледі

Демонстрациялық құзыреттілік	3–5 қатысушы немесе команда	3-тен аз қатысушы немесе команда	Демеушілер болған жағдайда және/немесе шығындар өтінім берген қатысушы тарапынан жабылған жағдайда ағымдағы Чемпионат тізіміне презентациялық құзыреттілік ретінде енгізіледі
Презентациялық құзыреттілік	3-тен аз қатысушы немесе команда	Қатысушы жоқ	Ағымдағы Чемпионат тізімінен алынып тасталады

4 ЧЕМПИОНАТҚА ТІРКЕЛУ

4.1.ЧЕМПИОНАТҚА ТІРКЕЛУ

Чемпионатқа тіркелу Қазақстан Республикасының нормативтік құқықтық актілеріне сәйкес екі кезеңде (алдын ала және қорытынды) жүргізіледі.

Ағымдағы жылғы Чемпионаттарды өткізу үшін Ұйымдастырушы Қатысушылардан өтінімдер қабылдайды, сол өтінімдер негізінде Чемпионаттың құзыреттіліктері айқындалады. Чемпионаттың барлық Қатысушылары міндетті түрде тіркеуден өтуі тиіс.

Республикалық Чемпионаттың таңдалған құзыреттіліктеріне қатысу үшін техникалық делегат Қатысушыларды Ұлттық оператор ұсынған нысандар бойынша онлайн тіркеуді жүзеге асырады.

Республикалық Чемпионатқа қатысуды қамтамасыз ету үшін толық ақпарат ұсынылуы тиіс. Бұл талап орындалмаған жағдайда Қатысушы туралы деректер баспа материалдары мен ақпараттық тақтайшаларға енгізілмейді.

Техникалық делегаттар Қатысушылардың деректерін дұрыс жазу мен форматтауға тікелей жауапты болады.

Техникалық делегат Республикалық Чемпионат өткізілгенге дейін С-7 ай бұрын Ұлттық операторға аймақтық чемпионаттың құзыреттіліктер тізімін ұсынады.

Республикалық Чемпионат қатысушыларының толық деректерімен қорытынды тіркеу С-2 айда аяқталады.

Егер көрсетілген мерзімнен кейін қатысушы жарыстан шығарылса немесе бас тартса, тиісті аймақ чемпионатты дайындауға байланысты Ұйымдастырушы жұмсаған шығындарды өтеуге міндетті. Бұл шығындарға:

- тұтыну материалдарын сатып алу,
- жабдықтарды жалға алу,
- логистика,
- сондай-ақ осы конкурсанттың қатысуына байланысты өзге де ұйымдастырушылық шығындар жатады.

5 ҚОЛ ЖЕТІМДІЛІК ЖӘНЕ РҰҚСАТ АЛУ

5.1 ЖАУАПКЕРШІЛІК

Чемпионатты ұйымдастырушы қатысушылардың рұқсат алуын қамтамасыз етеді.

5.2 ЧЕМПИОНАТ ӨТЕТІН ОРЫНҒА ҚОЛ ЖЕТІМДІЛІК

Республикалық чемпионат өтетін орынға, әдетте, бақылаушыларға, бұқаралық ақпарат құралдарына және кең қоғамға бірінші конкурс күніне дейін және конкурс аяқталғаннан кейін кіруге тыйым салынады. Бақылаушылар мен БАҚ өкілдеріне арнайы кіру әр нақты жағдайда Ұлттық оператормен келісу арқылы берілуі мүмкін.

5.3 ЖҰМЫС АЛАҢДАРЫНА ҚОЛ ЖЕТІМДІЛІК

Тек рұқсат алған қатысушыларға жұмыс алаңдарына кіруге рұқсат етіледі. Қатысушылар тек өздеріне рұқсат берілген алаңға ғана кіре алады.

5.3.1 Кез келген уақытта кіру

Қатысушының жұмыс алаңына кез келген уақытта кіруге Чемпионатты ұйымдастырушының өкілдеріне рұқсат беріледі.

5.3.2 Ерекше жағдайларда кіру рұқсаты

Төмендегі тұлғалар белгілі бір жағдайларда қатысушылардың жұмыс орнына кіру құқығына ие болады. Алайда олар алаңға алғаш келген кезде құзыреттілікті басқару тобына өздерін таныстыруы тиіс:

- **Тим-лидерлер** өз өңірінің қатысушылары жарақат алған жағдайда олардың жұмыс алаңдарына кіре алады;
- **Техникалық делегаттар / техникалық делегаттардың ассистенттері** даулы жағдайлар туындаған кезде қатысушыларының жұмыс алаңдарына бара алады.

Қатысушының жұмыс алаңындағы жұмыс орындарына басқа тұлғалардың кіруі әрбір нақты жағдайда Ұйымдастырушының келісімімен және Бас сарапшының рұқсатымен жүзеге асырылуы тиіс.

6 РӨЛДЕР

6.1 ҚАТЫСУШЫ

6.1.1 Қатысушылар саны

Аймақтық чемпионатқа қатысу үшін мекеме әр құзырет бойынша **бір** Қатысушыны немесе бір команданы ғана ұсынуға құқылы.

Республикалық чемпионатқа қатысу үшін әрбір құзырет бойынша әр аймақтан бір команда немесе бір ғана қатысушы қатыстыруға өтініш бере алады.

6.1.2 Жас шектеуі

Республикалық чемпионатқа техникалық сипаттамада басқа жас шектеулері белгіленген құзыреттерді қоспағанда, чемпионат өткізілетін күнтізбелік жылы 16 жасқа толған және 22 жасқа толмаған қатысушылар жіберіледі.

6.1.3 Бір қатысушы / команда – бір құзырет

Қатысушы немесе команда чемпионатқа бір күнтізбелік жыл ішінде тек бір құзырет бойынша ғана қатыса алады.

Бір қатысушының аймақтық және республикалық чемпионаттарға бір құзырет бойынша екі реттен артық қатысуына жол берілмейді.

Бұрын республикалық чемпионатта жүлделі орын алған қатысушылар, сондай-ақ халықаралық чемпионаттарға қатысқан қатысушылар:

- WorldSkills International
- WorldSkills Europe

аймақтық және республикалық чемпионаттарға қатысушы ретінде жіберілмейді.

6.1.4 Ерекше қажеттіліктері бар / денсаулық мүмкіндігі шектеулі қатысушылар

WorldSkills Kazakhstan қозғалысы Abilympics Халықаралық федерациясымен ынтымақтастықты қолдайды.

- Ерекше білім беру қажеттіліктері бар немесе денсаулық мүмкіндігі шектеулі қатысушылар чемпионатқа қатыса алады, егер олардың денсаулық жағдайы белгіленген мерзімде тапсырмаларды орындауға кедергі келтірмесе.
- Жұмыс орнын дайындау үшін қосымша уақыт берілуі мүмкін.
- Олардың тапсырмалары жалпы тәртіппен бағаланады.

6.2 ТИМ ЛИДЕР

6.2.1 Анықтамасы

Тим лидер — чемпионат барысында қатысушылармен тұрақты байланыста болатын тұлға.

Тим лидердің негізгі атқаратын қызметі:

- қатысушылардың денсаулығын, психологиялық жағдайын және қауіпсіздігін бақылау,
- олардың тәртібі мен мінез-құлқына жауап беру.

Тим лидер сондай-ақ, қатысушылардың ұйымдастырушы жоспарлаған барлық іс-шараларға қатысуын қамтамасыз етеді.

6.2.2 Саны

Әр аймақтан немесе ұйымнан қатысушылар санына қарамастан **2 тим лидерден артық жіберілмейді.**

6.2.3 Денсаулық жағдайы немесе жазатайым жағдай

Егер қатысушы ауырып қалса немесе жазатайым жағдай орын алса, бұл туралы дереу тиісті команданың тим лидері хабардар етіледі.

Тим лидер Эксперт-компатриотпен бірге белгіленген тәртіпте Техникалық делегатты хабардар етеді.

6.3 ҚҰЗЫРЕТТІ БАСҚАРУ КОМАНДАСЫ

Әр құзырет бойынша құзыретті басқару командасы құрылады. Оның құрамына:

- Алаң менеджері
- Қазылар алқасының төрағасы
- Бас сарапшы
- Бас сарапшының орынбасары кіреді.

Бұл команда тиісті құзырет бойынша конкурсты ұйымдастыру мен өткізуге жалпы басшылық жасайды.

6.3.1 Жауапкершілік

Құзыретті басқару командасы:

- Конкурсты ұйымдастыруға, дайындауға және өткізуге;
- осы Ережелер талаптарының сақталуына;
- қабылданған шешімдердің орындалуына жауапты болады.

6.4 АЛАҢ МЕНЕДЖЕРІ

Алаң менеджері — чемпионатқа дайындық және өткізу кезеңінде конкурс алаңын дайындау, техникалық қамтамасыз ету және жұмысын ұйымдастыруға жауапты тұлға.

Алаң менеджерінің негізгі қызметтері:

- алаң бойынша құзыреттің техникалық сипаттамасына және инфрақұрылымдық тізімге сәйкес дайын болуын қамтамасыз ету;
- жабдықтарды, құралдарды және материалдарды орналастыру, монтаждау, тексеру және демонтаждау;
- алаңдағы жабдықтардың жарамдылығы мен қауіпсіз қолданылуын бақылау;
- Бас сарапшымен, оның орынбасарымен және қазылар алқасының төрағасымен техникалық мәселелер бойынша өзара әрекеттесу;
- техникалық қызметкерлер мен мердігер ұйымдардың жұмысын үйлестіру;
- еңбек қауіпсіздігі, техника қауіпсіздігі және санитарлық талаптардың сақталуын қамтамасыз ету;
- жарыс кезінде туындаған техникалық және ұйымдастырушылық мәселелерді жедел шешу;
- жарыс басталғанға дейін алаңды қабылдау және чемпионат аяқталғаннан кейін оны жабу жұмыстарына қатысу.

Алаң менеджері өз қызметін құзыретті басқару командасымен бірлесіп және ұйымдастырушы белгілеген өкілеттіктер шегінде жүзеге асырады.

6.5 БАС САРАПШЫ

6.5.1 Анықтамасы

Бас сарапшы — **WorldSkills** құзыреті бойынша конкурстың әдістемелік және мазмұндық қамтамасыз етілуін жүзеге асыратын лауазымды тұлға. Ол конкурстық құжаттаманы әзірлеуге, бағалау жүйесін қалыптастыруға және сарапшылар қауымдастығын оқытуға жауап береді.

6.5.2 Тағайындау тәртібі

Бас сарапшыны конкурсты Ұйымдастыру комитеті тағайындайды. Тағайындау мүдделер қақтығысы болмаған жағдайда жүзеге асырылады.

6.5.3 Біліктілік талаптары

Бас сарапшы:

- тиісті бағыт бойынша жоғары немесе техникалық және кәсіптік, орта білімнен кейінгі білімге ие болуы тиіс;

- WorldSkills сарапшылық қызметінде кемінде 2 жыл тәжірибесі болуы тиіс;
- бас сарапшы деңгейіндегі WorldSkills аккредитациясына ие болуы тиіс;
- конкурстық құжаттаманы және бағалау жүйесін әзірлеу әдістемесін меңгеруі тиіс;
- объективтілік пен тәуелсіздік қағидаларын бұзумен байланысты тәртіптік жазаға тартылмаған болуы тиіс.

6.5.4 Сыбайлас жемқорлыққа қарсы шектеулер

Бас сарапшыға:

- осы конкурс аясында бекітілген қатысушылардың болуы;
- осы конкурсқа қатысатын қатысушыларды дайындау, кеңес беру немесе басқа түрде қолдау көрсету;
- бағалау объективтілігіне әсер етуі мүмкін жеке, мүліктік, қызметтік немесе өзге де мүдделілік болған жағдайда шешім қабылдау;
- конкурстық тапсырмасы жабық (күпия) болатын құзыреттерде бас сарапшы қызметін тәлімгер, жаттықтырушы немесе ұйым өкілі рөлімен қатар атқару;
- қатысушылардан, сарапшылардан, ұйымдардан немесе басқа тұлғалардан сыйақы, сыйлық немесе басқа да пайда алу тыйым салынады.

6.5.5 Функционалдық міндеттері

Бас сарапшы:

- академиялық адалдық қағидаларын сақтай отырып, халықаралық чемпионат материалдарын тікелей көшіруге немесе сөзбе-сөз аударуға жол бермей, конкурстық құжаттаманы және бағалау критерийлерін әзірлейді және бекітуге ұсынады;
- сарапшылар қауымдастығына оқыту және нұсқама өткізеді;
- WorldSkills стандарттарының біркелкі қолданылуын қамтамасыз етеді;
- барлық сарапшылар үшін міндетті әдістемелік шешімдер қабылдайды;
- сарапшылардың кәсіби деңгейін анықтау және бағалауға жіберу үшін тестілеу жүргізеді, сондай-ақ бағалау жүйесіне сәйкес сарапшыларды бағалау жұмысына бөледі;
- С-1 күні WorldSkills регламенттеріне сәйкес конкурстық тапсырмаға кемінде 30% өзгеріс енгізу бойынша сарапшылар қауымдастығының жұмысын ұйымдастырады;
- анықталған бұзушылықтар мен тәуекелдер туралы ұйымдастырушыға дереу хабарлайды;
- мүдделер қақтығысы анықталған жағдайда сарапшыларды шеттету туралы бастама көтереді.

6.5.6 Сарапшылар қауымдастығының шешім қабылдау тәртібі 6.5.6.1

Жарысты өткізуге, конкурстық құжаттаманы қолдануға және әдістемелік немесе рәсімдік мәселелерге қатысты шешімдер мүмкіндігінше бірауыздан қабылданады.

6.5.6.2

Егер белгіленген немесе ақылға қонымды мерзімде бірауызды шешім қабылдау мүмкін болмаса, Бас сарапшы дауыс беру рәсімін бастайды.

Шешім қатысушы сарапшылардың жай көпшілігінің (50% + 1 дауыс) қолдауымен қабылданады.

6.5.6.3

Дауыстар тең болған жағдайда Бас сарапшының дауысы шешуші болып табылады.

6.5.6.4

Қабылданған шешімдер белгіленген тәртіппен міндетті түрде тіркелуі тиіс. Шешім қабылдау кезінде болмаған сарапшылар оның мазмұны туралы хабардар етіледі және қабылданған шешімді қайта қарауға немесе өзгертуге құқылы емес.

6.6 БАС САРАПШЫНЫҢ ОРЫНБАСАРЫ

6.6.1 Анықтамасы

Бас сарапшының орынбасары — WorldSkills құзыреті бойынша жарыстарды ұйымдастыру-техникалық қамтамасыз етуге және конкурстық алаңның жұмыс істеуіне жауапты лауазымды тұлға.

6.6.2 Тағайындау тәртібі

Бас сарапшының орынбасары конкурстық алаңда жұмыс істейтін сарапшылар арасынан мүдделер қақтығысының жоқтығы міндетті түрде расталған жағдайда анықталады.

Бас сарапшының орынбасары тиісті құзырет бойынша сарапшылар қауымдастығының дауыс беруі арқылы жай көпшілік дауыспен анықталады.

6.6.3 Біліктілік талаптары

Бас сарапшының орынбасары:

- тиісті құзырет бойынша бейінді білімі немесе расталған практикалық тәжірибесі болуы тиіс;
- WorldSkills сарапшылық қызметінде кемінде 2 жыл тәжірибесі болуы керек, оның ішінде өңірлік және (немесе) республикалық чемпионаттарға қатысу тәжірибесі болуы тиіс;
- конкурстық алаңдарды жабдықтау, қауіпсіздік және ұйымдастыру талаптарын білуі қажет;
- жарыстарды ұйымдастыру мен өткізуге байланысты тәртіптік бұзушылықтары болмауы тиіс.

6.6.4 Сыбайлас жемқорлыққа қарсы шектеулер

Бас сарапшының орынбасарына:

- бекітілген қатысушылардың болуы немесе оларды кез келген түрде сүйемелдеу;
- қатысушылардың нәтижелерін бағалауға қатысу;
- сарапшыларға баға қоюға әсер ету;

- бас сарапшының орынбасары қызметін тәлімгер, жаттықтырушы немесе қатысушы ұйым өкілі рөлімен қатар атқару;
- жарысқа байланысты қатысушылардан, сарапшылардан немесе басқа тұлғалардан материалдық немесе материалдық емес пайда алуға тыйым салынады.

6.6.5 Функционалдық міндеттері

Бас сарапшының орынбасары:

- конкурстық алаңның, жабдықтардың және инфрақұрылымның дайындығын қамтамасыз етеді;
- жабдықтардың конкурстық құжаттама талаптарына сәйкестігін бақылайды;
- жарыс кезінде конкурстық алаңның техникалық және инфрақұрылымдық жұмысын ұйымдастырады;
- техникалық қызметкерлер мен еріктілердің жұмысын үйлестіреді;
- еңбек қауіпсіздігі мен техника қауіпсіздігі талаптарының сақталуын қамтамасыз етеді;
- жабдықтарды, материалдарды және инфрақұрылымды сатып алу немесе жалға алу үшін техникалық тапсырмалар, спецификациялар және негіздемелер дайындайды;
- жарысты дайындау және өткізу барысында пайдаланылған шығын материалдарын есептен шығару құжаттарын дайындайды;
- сатып алу рәсімдеріне, жеткізушілерді таңдауға, келісімшарт жасауға және қаржылық шешімдер қабылдауға қатыспайды;
- жалға алынған және сатып алынған ресурстардың конкурстық құжаттама талаптарына сәйкестігін бақылауды жүзеге асырады;
- анықталған бұзушылықтар, тәуекелдер және сәйкессіздіктер туралы бас сарапшыны дереу хабардар етеді.

6.6.6 Жауапкершілік

Бас сарапшының орынбасары:

- конкурстық алаңның техникалық және инфрақұрылымдық дайындығына;
- қауіпсіздік талаптарының сақталуына;
- конкурстың өткізілуіне әсер етуі мүмкін анықталған бұзушылықтар мен тәуекелдер туралы бас сарапшыны уақытында хабардар етуге

жауапты болады.

6.7 ЭКСПЕРТ-КОМПАТРИОТ

6.7.1 Анықтамасы

Эксперт-компатриот — чемпионатқа қатысу үшін тіркелген аймақты немесе ұйымды ұсынатын WorldSkills сарапшысы. Ол осы Ережелерге сәйкес жарысты дайындауға және өткізуге тартылады.

Эксперт-компатриот мәртебесі бағалау процесіне автоматты түрде қатысу құқығын бермейді және осы Ережелер талаптарын орындаудан босатпайды. Тиісті құзырет бойынша өңірлік Бас сарапшы, біліктілік талаптары сақталған және мүдделер қақтығысы болмаған жағдайда, республикалық

чемпионатқа өңір атынан эксперт-компатриот ретінде қатысуға ұсынылады.

6.7.2 Біліктілігі мен тәжірибесі

Эксперт-компатриот:

- аккредиттелген құзырет бойынша ресми немесе танылған біліктілікке, сондай-ақ өндірістік немесе практикалық тәжірибеге ие болуы тиіс;
- республикалық немесе өңірлік чемпионат басталғанға дейін WorldSkills Kazakhstan қозғалысының Ұлттық операторы тарапынан сертификатталуы тиіс;
- чемпионаттың Ережелерін, Техникалық сипаттамасын, инфрақұрылымдық тізімін және басқа ресми құжаттарын білуі және сақтауы тиіс;
- адалдық, объективтілік, бейтараптық және ынтымақтастыққа дайындық сияқты жоғары кәсіби және этикалық қасиеттерге ие болуы тиіс.

6.7.3 Тағайындау, тіркеу және бағалауға жіберу

Әр өңір немесе ұйым қатысушы тіркелген әр құзырет бойынша бір эксперт-компатриот тағайындай алады.

Өңір немесе ұйым эксперт-компатриотты чемпионат басталғанға дейін кемінде екі ай бұрын тіркеуі тиіс.

Егер бұл мерзім сақталмаса, эксперт-компатриоттың чемпионатты дайындауға және өткізуге қатысуы Ұйымдастырушының немесе құзыретті басқару командасының келісімімен ғана мүмкін болады.

Сарапшы-компатриот бағалауға тек келесі шарттар орындалған жағдайда ғана жіберіледі:

- құзырет бойынша практикалық тестілеуден өтуі;
- бағалау әдістемесін білу бойынша тест нәтижесі белгіленген шектен төмен болмауы;
- бас сарапшының ресми рұқсатының болуы.

Сарапшы -компатриот өз қатысушысын бағалауға құқылы емес.

Бағалауға жіберілмеген сарапшы-компатриот конкурстық алаңда тек бақылаушы ретінде ғана қатыса алады.

6.7.4 Міндетті оқыту және сертификаттау

Барлық сарапшы -компатриоттар міндетті оқытудан өтіп, WorldSkills Kazakhstan ұлттық операторы тарапынан белгіленген тәртіпте сертификатталуы тиіс.

6.7.5 Чемпионат басталғанға дейінгі міндеттері

Эксперт-компатриот чемпионат басталғанға дейін:

- чемпионат сарапшысы ретінде тіркелуі;
- еңбек қауіпсіздігі және техника қауіпсіздігі талаптарын зерделеуі;
- бағалау стандарттарын, техникалық сипаттаманы, инфрақұрылымдық тізімді, этика кодексін және басқа құжаттарды оқып, сақтауы;
- құзырет бойынша практикалық тестілеуден өтуі;

- қажет болған жағдайда конкурстық тапсырма немесе модуль дайындауы;
- техникалық сипаттаманы жаңарту бойынша ұсыныстар енгізуі тиіс.

6.7.6 Чемпионат кезінде міндеттері

Чемпионат кезінде сарапшы -компатриот:

- бас сарапшының және құзыретті басқару командасының нұсқауларына сәйкес әрекет етеді;
- бағалауға ресми рұқсат болған жағдайда ғана қатысады;
- конкурстық тапсырманың құпиялылығын сақтайды;
- қажет болған жағдайда конкурстық тапсырмаға 30% немесе одан да көп өзгеріс енгізу жұмысына қатысады;
- бағалау кезінде объективтілік пен бейтараптықты сақтайды;
- жарысты ұйымдастыруға және келесі чемпионаттарға арналған тапсырмаларды әзірлеуге көмектеседі;
- қатысушылардың қауіпсіздік талаптарын сақтауын бақылайды;
- конкурстық алаңнан бас сарапшының рұқсатымен ғана шыға алады.

6.7.7 Этикалық критерийлер

Сарапшы -компатриот кәсіби этика, адалдық және әділдік стандарттарын сақтауы тиіс.

Сарапшы -компатриотқа:

- кейбір қатысушыларға артықшылық беретін жағдай жасау;
- конкурстық тапсырма туралы алдын ала немесе қызметтік ақпарат беру;
- басқа сарапшылармен бағалау нәтижесіне әсер ету мақсатында келісуге тыйым салынады.

6.7.8 Құпиялылық

Сарапшы-компатриотқа чемпионат басталғанға дейін және чемпионат барысында конкурстық тапсырма, оның өзгерістері немесе бағалау рәсімдері туралы ақпаратты қатысушыға немесе үшінші тұлғаларға беруіне тыйым салынады.

6.7.9 Қатысушымен байланыс

Сарапшы-компатриоттың өз қатысушысымен конкурстық тапсырманы орындау мәселелері бойынша тікелей байланыс жасауына тыйым салынады. Байланыс тек бас сарапшы немесе уәкілетті тұлғалар арқылы жүзеге асуы мүмкін.

6.7.10 Сарапшылар кеңесі

Сарапшылар, Бас сарапшы, техникалық делегаттар және алаң менеджерлері жарысты дайындау, тапсырманы талқылау және бағалау рәсімдерін үйлестіру үшін сарапшылар кеңесін өткізе алады.

6.7.11 Сарапшылар кеңесінің шешімдері

Сарапшылар кеңесінде дайындық кезеңінде қабылданған және көпшілік дауыспен бекітілген шешімдер міндетті болып табылады.

Кворум тиісті құзырет бойынша тіркелген сарапшылардың кемінде үштен екісі қатысқанда қамтамасыз етіледі.

Дауыс беру ашық түрде жүргізіледі.

Дауыс беру кезінде қатыспаған сарапшы қабылданған шешім туралы хабардар етіледі және оны қайта қарауды талап ете алмайды.

6.8 ТӘУЕЛСІЗ САРАПШЫ

6.8.1 Анықтамасы

Тәуелсіз сарапшы – WorldSkills құзыреті бойынша чемпионатқа қатысушылардың нәтижелерін объективті және бейтарап бағалауды қамтамасыз ету мақсатында тартылатын тұлға. Ол конкурс қатысушыларымен байланысты емес және өңірлік командалардың мүдделерін білдірмейді.

Тәуелсіз сарапшы өндіріс, бизнес, кәсіби қауымдастықтар немесе басқа да салалық секторларды ұсынады және өз қызметін осы Ережелерге, WorldSkills регламенттеріне және Ұйымдастырушының шешімдеріне сәйкес жүзеге асырады.

6.8.2 Тағайындау тәртібі

Тәуелсіз сарапшыны Ұйымдастырушы тиісті чемпионатқа тағайындайды.

Тағайындау кезінде міндетті түрде:

- мүдделер қақтығысының болмауы;
- кәсіби және этикалық тәуелсіздік талаптарының сақталуы расталуы тиіс.

Тәуелсіз сарапшы:

- белгілі бір өңірдің, ұйымның немесе қатысушының мүддесін білдірмейді;
- өңірлік делегациялар құрамына кірмейді.

6.8.3 Біліктілік талаптары

Тәуелсіз сарапшы:

- тиісті құзырет саласында расталған кәсіби тәжірибеге, оның ішінде өндірістік немесе практикалық қызмет тәжірибесіне ие болуы тиіс;
- WorldSkills стандарттарын, бағалау қағидаттарын және конкурстық рәсімдерді түсінуі тиіс;
- кәсіби тәуелсіздік және іскерлік адалдық беделіне ие болуы тиіс;
- объективтілік пен кәсіби этика қағидаларын бұзуға байланысты тәртіптік жазалары болмауы тиіс;
- чемпионат басталғанға дейін бағалау әдістері мен бағалау жүйесі бойынша нұсқаулықтан өтуі тиіс.

6.8.4 Тәуелсіздік талаптары және шектеулер

Объективтілікті қамтамасыз ету және мүдделер қақтығысын болдырмау мақсатында тәуелсіз сарапшыға:

- чемпионатқа қатысушыны ұсынған колледждің, білім беру ұйымының немесе басқа мекеменің өкілі болуға;

- осы чемпионатқа қатысатын қатысушыларды дайындауға, оқытуға немесе кеңес беруге;
- қатысушылардан, сарапшылардан немесе басқа мүдделі тұлғалардан материалдық немесе материалдық емес пайда алуға;
- белгіленген бағалау рәсімдерінен тыс сарапшыларға немесе қатысушыларға әсер етуге тыйым салынады.

6.8.5 Тәуелсіз сарапшының функциялары

Тәуелсіз сарапшы:

- бекітілген бағалау жүйесіне сәйкес қатысушыларды бағалауға қатысады;
- бағалау рәсімдерінің объективтілігі мен ашықтығын қосымша қамтамасыз етеді;
- бағалау критерийлерін конкурстық құжаттама мен WorldSkills регламенттеріне қатаң сәйкес қолданады;
- өз құзыреті шегінде даулы бағалау жағдайларын қарауға қатысады;
- бағалау барысында адалдық, тең жағдай және бейтараптық қағидаларының сақталуына ықпал етеді.

6.8.6 Жауапкершілігі

Тәуелсіз сарапшы:

- қойылған бағалардың объективтілігіне, дұрыстығына және кәсіби негізділігіне;
- осы Ережелерді, WorldSkills стандарттарын және құзыретті басқару командасының нұсқауларын сақтауға;
- конкурстық құжаттаманың және бағалау нәтижелерінің құпиялылығын сақтауға;
- мүдделер қақтығысын болдырмауға жауап береді.

Егер осы Ережелер талаптары бұзылғаны анықталса, Ұйымдастырушы тәуелсіз сарапшыны чемпионатқа қатысудан шеттету туралы шешім қабылдауға құқылы.

6.8.7 Кәсіби этика және құпиялылық

Тәуелсіз сарапшы кәсіби этика нормаларын сақтауға, адал, бейтарап және тәуелсіз әрекет етуге міндетті.

Тәуелсіз сарапшыға чемпионат нәтижелері ресми жарияланғанға дейін:

- конкурстық тапсырма туралы;
- оған енгізілген өзгерістер туралы;
- бағалау нәтижелері туралы;
- басқа қызметтік ақпарат туралы мәліметтерді жариялауға тыйым салынады.

6.9 ТЕХНИКАЛЫҚ ДЕЛЕГАТ

6.9.1 Анықтамасы

Техникалық делегат – WorldSkills чемпионатына аймақтық немесе ұйымдық команданың қатысуын ұйымдастырушылық-әкімшілік тұрғыдан сүйемелдеуді жүзеге асыратын лауазымды тұлға.

Ол Ұйымдастырушы, қатысушылар және сарапшылар арасындағы өзара әрекеттесуді қамтамасыз етеді.

Техникалық делегат осы Ережелерге, WorldSkills регламенттеріне және Ұйымдастырушының шешімдеріне сәйкес әрекет етеді және чемпионатқа аймақ командасының дайындық және қатысу процестерін үйлестіруге жауап береді.

6.9.2 Тағайындау тәртібі

Техникалық делегатты чемпионатқа қатысатын аймақ немесе ұйым тағайындайды және ол Ұлттық оператордың бұйрығымен бекітіледі.

Тағайындау кезінде мүдделер қақтығысының болмауы міндетті түрде расталуы тиіс.

Егер техникалық делегат Техникалық комитеттің төрағасы болып тағайындалса, ол өз міндеттерін орындау үшін техникалық делегаттың ассистентін тағайындауға құқылы.

6.9.3 Негізгі функциялары

Техникалық делегат:

- чемпионатқа қатысатын өңірлік немесе ұйымдық команданы қалыптастырады және сүйемелдейді;
- қатысушылар мен сарапшылардың уақтылы тіркелуін қамтамасыз етеді;
- чемпионатқа өңір командасының сапарын ұйымдастырады;
- команда мүшелерінің этикалық нормалар мен осы Ережелер талаптарын сақтауын қамтамасыз етеді;
- ұйымдастырушыдан алынған шешімдер, түсіндірмелер және өзгерістер туралы ақпаратты қатысушылар мен сарапшыларға жеткізеді;
- чемпионатты дайындау және өткізу мәселелері бойынша ұйымдастырушыға кері байланыс береді.

6.9.4 Қатысушыларды ақпараттандыру

Техникалық делегат қатысушылардың чемпионаттың ресми құжаттарына уақытылы қол жеткізуін қамтамасыз етуі тиіс, оның ішінде:

- Чемпионат ережелері
- Техникалық сипаттама
- Инфрақұрылымдық тізім
- Этика және мінез-құлық кодексі
- Еңбек қауіпсіздігі нұсқаулықтары
- Конкурстық тапсырмалар
- басқа ресми материалдар.

6.9.5 Сарапшыларды ақпараттандыру және дайындау

Техникалық делегат:

- жаңа сарапшыларға және сертификатының мерзімі өткен сарапшыларға міндетті оқытуды ұйымдастырады;
- сарапшыларды олардың міндеттері мен жауапкершілігі туралы хабардар етеді;
- сарапшыларда чемпионаттың өзекті нормативтік және конкурстық құжаттарының болуын қамтамасыз етеді.

Техникалық делегат бағалау әдістемесіне араласпайды және бұл мәселелер бойынша бас сарапшының құзыретіне кіретін шешімдерге ықпал етпейді.

6.9.6 Құзыретті басқару жүйесіндегі мәртебесі

Техникалық делегат Ұйымдастырушы анықтаған құзырет бойынша қазылар алқасының төрағасы ретінде құзыретті басқару командасының құрамына кіреді. Техникалық делегат қатысушыларды бағалау құқығына ие емес.

6.9.7 Қызметіне қойылатын шектеулер

Техникалық делегатқа:

- қатысушыларды бағалауға қатысуға;
- сарапшыларға баға қою немесе әдістемелік шешімдер қабылдау мәселесінде ықпал етуге;
- техникалық делегат қызметін тәлімгер, жаттықтырушы немесе қатысушыларды дайындайтын тұлға рөлімен қатар атқаруға;
- чемпионат қатысушыларынан немесе басқа тұлғалардан материалдық немесе материалдық емес пайда алуға тыйым салынады.

6.9.8 Жауапкершілігі

Техникалық делегат:

- аймақтық немесе ұйымдық команда мүшелерінің осы Ережелерді сақтауына;
- қатысушылар мен сарапшылардың уақтылы тіркелуіне және ұйымдастырушылық сүйемелдеуіне;
- команда мүшелеріне ресми ақпараттың толық әрі уақытында жеткізілуіне;
- Ұйымдастырушының шешімдерін орындауға және онымен өзара әрекеттесуге

жауап береді.

Егер техникалық делегат жоспарланған іс-шараларға себепсіз қатыспаса немесе міндеттерін тиісінше орындамаса, Ұйымдастырушы өңір командасының чемпионатқа қатысуын шектеу немесе басқа жауапты тұлғаны тағайындау туралы шешім қабылдауға құқылы.

6.9.9 Ұйымдастырушы және алаң менеджерімен өзара әрекеттесу

Техникалық делегат чемпионатты тиісті деңгейде өткізу және белгіленген регламенттердің сақталуын қамтамасыз ету мақсатында Ұйымдастырушы және конкурстық алаң менеджерімен өзара әрекеттесіп жұмыс істейді.

6.10. ТЕХНИКАЛЫҚ ДЕЛЕГАТТЫҢ АССИСТЕНТІ

6.10.1. Анықтамасы

Техникалық делегаттың ассистенті – бұл Техникалық делегатты алмастыратын және оның функцияларын толық көлемде немесе Ұйымдастырушы белгілеген шектерде орындайтын лауазымды тұлға. Бұл, соның ішінде, Техникалық делегат Чемпионат аясында басқа да функцияларды атқарып жатқан жағдайларда жүзеге асырылады.

Техникалық делегаттың ассистенті өз қызметін осы Қағидаларға, WorldSkills регламенттеріне және Ұйымдастырушының шешімдеріне сәйкес жүзеге асырады.

6.10.2. Тағайындау тәртібі

Техникалық делегаттың ассистенті Чемпионатқа қатысатын өңір немесе ұйым тарапынан ұсынылады және Ұлттық оператордың бұйрығымен бекітіледі.

Техникалық делегат ассистентін тағайындау мүдделер қақтығысының болмауы міндетті түрде расталған жағдайда жүзеге асырылады.

6.10.3. Техникалық делегат ассистентінің функциялары

Техникалық делегаттың ассистенті:

- Техникалық делегат болмаған жағдайда немесе оған басқа функциялар жүктелген кезде оның міндеттерін орындайды;
- аймақтық (немесе ұйымдық) команданың ұйымдастырушылық-әкімшілік сүйемелдеуін қамтамасыз етеді;
- Чемпионатты дайындау және өткізу мәселелері бойынша Құзыреттілікті басқару командасымен және Ұйымдастырушымен өзара іс-қимылды қамтамасыз етеді;
- Конкурсанттар мен Сарапшыларды белгіленген мерзімде тіркеуге жәрдемдеседі;
- Ұйымдастырушының ресми ақпаратын, шешімдерін және түсіндірмелерін өңір командасының мүшелеріне жеткізуді қамтамасыз етеді;
- өз құзыреті шегінде конкурстық алаңдағы ұйымдастырушылық процестерді үйлестіруге қатысады.

6.10.4. Кеңестер мен жұмыс іс-шараларына қатысу

Техникалық делегаттың ассистенті өзіне жүктелген функциялар шегінде Ұйымдастырушы, Құзыреттілікті басқару командасы және Техникалық комитет өткізетін барлық кеңестерге, жиналыстарға және жұмыс кездесулеріне қатысуға міндетті.

Сондай-ақ, ол өз жауапкершілігі шегінде қабылданған шешімдердің орындалуын қамтамасыз етуі тиіс.

6.10.5. Құзыреттілікті басқару жүйесіндегі мәртебесі

Техникалық делегаттың ассистенті Ұйымдастырушы айқындаған құзыреттілік бойынша Қазылар алқасының төрағасы болып тағайындалуы мүмкін.

Қазылар алқасының төрағасы функцияларын орындайтын Техникалық делегат ассистенті Чемпионат қағидаларының сақталуына жауап береді және конкурсанттарды бағалау құқығына ие болмайды.

6.10.6. Техникалық делегат ассистенті қызметінің шектеулері

Техникалық делегат ассистентіне мыналарға тыйым салынады:

- конкурсанттарды бағалауға қатысуға;
- бағалар қою немесе әдістемелік шешімдер қабылдау мәселелерінде сарапшыларға ықпал етуге;
- Техникалық делегат ассистенті функцияларын тәлімгер, жаттықтырушы немесе осы Чемпионатқа конкурсанттарды дайындайтын өзге тұлға рөлімен

қатар атқаруға;

- Чемпионат қатысушыларынан немесе басқа да мүдделі тұлғалардан материалдық немесе материалдық емес пайда алуға.

6.10.7. Техникалық делегат ассистентінің жауапкершілігі

Техникалық делегаттың ассистенті өзіне берілген өкілеттіктер шегінде Техникалық делегаттың және (немесе) Қазылар алқасының төрағасының функцияларын тиісінше орындауға, осы Қағидаларды және Ұйымдастырушының шешімдерін сақтауға, сондай-ақ Құзыреттілікті басқару командасымен, Ұйымдастырушымен және Чемпионат қатысушыларымен дұрыс өзара әрекеттесуге жауапты.

Міндеттерді тиісінше орындамаған, дәлелді себепсіз міндетті іс- шараларға қатыспаған немесе осы Қағидаларды бұзған жағдайда Ұйымдастырушы Техникалық делегат ассистентін функцияларын орындаудан шеттету және басқа жауапты тұлғаны тағайындау сияқты шараларды қолдануға құқылы.

6.11. АПЕЛЛЯЦИЯЛЫҚ КОМИТЕТ

6.11.1. Анықтамасы

Апелляциялық комитет – бұл Чемпионат барысында туындайтын апелляциялар мен даулы мәселелерді қарау үшін құрылатын алқалы орган. Мұндай мәселелер Құзыреттілікті басқару командасы мен конкурс алаңындағы Қазылар алқасының төрағасы деңгейінде шешілмеген жағдайда Апелляциялық комитеттің қарауына беріледі.

Апелляциялық комитет өз қызметін осы Қағидаларға, WorldSkills регламенттеріне және Ұйымдастырушының шешімдеріне сәйкес жүзеге асырады.

6.11.2. Құрамы және қалыптастыру тәртібі

Апелляциялық комитет Техникалық комитет мүшелерінің құрамынан құрылады және мыналардан тұрады:

- Апелляциялық комитет төрағасы;
- Апелляциялық комитеттің кемінде 4 мүшесі.

Апелляциялық комитеттің жалпы саны төрағасы қоса алғанда 7 адамнан аспайды.

Отырыс өткізу және шешім қабылдау үшін құрам төрағасы қоса алғанда кемінде 5 мүшеден тұруы тиіс.

Апелляциялық комитет төрағасы апелляциялық комитет мүшелері тарапынан ашық дауыс беру арқылы қарапайым көпшілік дауыспен сайланады.

Апелляциялық комитеттің құрамы Республикалық чемпионат басталғанға дейін Техникалық комитеттің хаттамасымен бекітіледі.

6.11.3. Апелляциялық комитеттің құзыреті

Апелляциялық комитет Чемпионат барысында туындайтын апелляциялар мен даулы мәселелерді тек келесі жағдайда қарайды: тиісті мәселе құзыреттілік алаңында Құзыреттілікті басқару командасы және Қазылар алқасының төрағасы тарапынан шешілмеген кезде.

Апелляциялық комитет:

- Чемпионатты өткізу рәсімдерінің, регламенттердің және Қағидалардың сақталуына қатысты апелляцияларды қарайды;
- бағаларды қою процесіне, сарапшылардың кәсіби пікіріне және бағалау әдістемесіне араласпайды.

Ерекше жағдай ретінде бағалау рәсімінің өрескел бұзушылықтары анықталған, әрі олар жарыстың қорытынды нәтижесіне әсер еткен немесе әсер етуі мүмкін болған жағдайда ғана араласуға құқылы.

6.11.4. Шешім қабылдау тәртібі

Апелляциялық комитеттің шешімдері белгіленген құрам болған жағдайда отырысқа қатысқан мүшелердің жай көпшілік дауысымен қабылданады.

Апелляциялық комитеттің шешімдері хаттамамен рәсімделеді және Чемпионаттың барлық қатысушылары үшін міндетті болып табылады.

6.11.5. Шектеулер және мүдделер қақтығысы

Апелляциялық комитет мүшелері апелляцияны қарау барысында объективтілік пен бейтараптылыққа әсер етуі мүмкін жағдайлар болған кезде өзін-өзі шеттетуге міндетті.

Мүдделер қақтығысы анықталған жағдайда тиісті мүше апелляцияны қараудан шеттетіледі.

6.11.6. Апелляциялық комитет шешімдерінің мәртебесі

Апелляциялық комитеттің шешімдері тиісті Чемпионат шеңберінде түпкілікті болып табылады және құзыреттілік деңгейінде қайта қаралуға жатпайды.

7. ҚҰЗЫРЕТТІЛІКТІ БАСҚАРУ

7.1. ЧЕМПИОНАТ АЛДЫНДА

7.1.1. Адалдық, ашықтық және әділдік

Чемпионат конкурсанттары осы Қағидаларға, WorldSkills регламенттеріне және Әдеп пен мінез-құлық кодексіне сәйкес әділдік, адалдық және ашықтық қағидаттарына негізделген тең қатысу жағдайларына құқылы.

7.1.2. Қатысушыларды ақпараттандыру

Чемпионат басталғанға дейін қатысушыларға конкурстық тапсырма туралы ақпарат берілуі тиіс, соның ішінде:

- бағалау критерийлері, оның ішінде бағалау балдарының жиынтық ведомосі (бағалаудың соңғы аспектілерін ашпай);
- құзыреттіліктің техникалық сипаттамасына сәйкес пайдалануға рұқсат етілген немесе тыйым салынған қосымша материалдар мен заттар. Конкурсанттарға Чемпионатты ұйымдастыру туралы ақпарат беріледі, оның ішінде:
- еңбек қауіпсіздігі, техника қауіпсіздігі және қоршаған ортаны қорғау жөніндегі нұсқаулықтар және оларды сақтамаудың салдары;
- Чемпионаттың кестесі (конкурс күндері мен модульдерінің басталу және аяқталу уақыты, үзілістер);
- конкурстық алаңға кіру және шығу тәртібін реттейтін ережелер;

- жабдықтар мен құралдарды тексеру тәртібі (қажет болған жағдайда);
- Чемпионат қағидаларын және Әдеп пен мінез-құлық кодексін бұзған жағдайда қолданылатын санкциялар мен айыппұлдардың сипаты мен көлемі.

Қатысушыларға барлық құралдарды, жабдықтарды және материалдарды қауіпсіз пайдалану үшін жеке жауапкершілік жүктелетіні түсіндіріледі.

Сондай-ақ, Чемпионат басталғанға дейін сарапшылар техникалық сипаттамаға сәйкес көрсетілмеген материалдар мен жабдықтарды тексеретіні хабарланады.

Тулбокстарды күнделікті тексеру құзыреттіліктің техникалық сипаттамасында белгіленген тәртіппен жүзеге асырылады.

7.1.3. Жұмыс орындарын бөлу

Жұмыс орындары конкурсанттар арасында жеребе арқылы бөлінеді. Жеребені Бас сарапшы немесе оның орынбасары жүргізеді.

7.1.4. Алаңмен және жабдықтармен танысу

Чемпионат басталғанға дейін қатысушыларға:

- жұмыс орындарын дайындау;
- құралдар мен материалдарды тексеру және дайындау үшін уақыт беріледі.

Жабдықтармен, құралдармен, материалдармен және технологиялық процестермен танысу:

- Бас сарапшының орынбасарының;
- сарапшылардың; алаң менеджерінің жетекшілігімен жүзеге асырылады.
- Танысу фактісі тиісті хаттамамен рәсімделеді.

Белгіленген тәртіптен кез келген ауытқулар тек Құзыреттілікті басқару командасының шешімімен ғана рұқсат етіледі.

7.1.5. Өлшеу құралдарын тексеру

Бағалау жүргізу кезінде конкурсанттың өлшеу құралдары пайдаланылады, егер құзыреттіліктің техникалық сипаттамасында өзгеше көзделмесе.

7.1.6. Жеке деректер, медициналық талаптар және тілдік таңдаулар

Қатысушылар келесі құжаттарды ұсынуға міндетті:

- жеке басын куәландыратын құжат;
- туған күні көрсетілген құжат;
- Қазақстан Республикасының азаматтығын растайтын құжат;
- денсаулық жағдайы туралы медициналық анықтама.

НоReCa бағыты бойынша құзыреттіліктер үшін конкурсанттар қосымша жарамды санитариялық кітапшаға ие болуы тиіс.

Қажет болған жағдайда конкурсанттар конкурстық тапсырманы алу тілін көрсетеді.

7.2. ЧЕМПИОНАТ КЕЗІНДЕ (КОНКУРСТАН ТЫС УАҚЫТТА)

7.2.1. Жалпы ережелер

Конкурс уақытынан тыс кезеңде қатысушылар Чемпионат алаңында тапсырманы орындамайтын қатысушылар мәртебесінде болады және осы Қағидаларды, сондай-ақ Құзыреттілікті басқару командасының нұсқауларын сақтауға міндетті.

7.2.2. Рұқсат етілетін коммуникация

Қатысушылар мен олардың эксперт-компатриоттары:

- конкурс күні басталғанға дейін;
- конкурс күні аяқталғаннан кейін;
- түскі үзіліс кезінде

бір-бірімен байланыса алады.

Алайда бұл ереже ақауларды анықтау тапсырмалары бар құзыреттіліктерге қолданылмайды.

7.2.3. Ақауларды анықтау құзыреттіліктері

Ақауларды анықтау тапсырмаларын:

- Бас сарапшы;
- Бас сарапшының орынбасары;
- немесе Тәуелсіз сарапшы

конкурсанттар мен эксперт-компатриоттар кіре алмайтын жерде дайындайды.

Эксперт-компатриоттарға орнатылған ақаулардың сипаты мен орналасуы туралы ақпарат берілмейді.

7.2.4. Денсаулық жағдайы немесе жазатайым оқиға

Конкурсант ауырып қалған немесе жазатайым оқиға болған жағдайда:

- Бас сарапшы;
- тим-лидер;
- эксперт-компатриот

дереу хабардар етілуі тиіс.

Құзыреттілікті басқару командасы осы Қағидаларға сәйкес әрі қарай шешім қабылдау үшін Ұйымдастырушыға хабарлауға міндетті.

7.3. ЧЕМПИОНАТ КЕЗІНДЕ (КОНКУРС УАҚЫТЫНДА)

7.3.1. Жұмыстың басталуы және аяқталуы

Әрбір конкурстық күннің немесе модульдің басталуы мен аяқталуын Бас сарапшы немесе оның орынбасары жариялайды.

7.3.2. Конкурс уақытын ұзарту

Конкурс уақытын ұзарту – бұл конкурстық тапсырманы немесе оның модулін аяқтау үшін сарапшылар қауымдастығының шешімімен берілетін қосымша уақыт.

Қосымша уақыттың ұзақтығы 30 минуттан аспайды. Қосымша уақыт:

- тек барлық конкурсанттарға бірдей беріледі;
- белгілі бір тапсырманы немесе модульді орындап жатқан барлық қатысушыларға бір мезгілде қолданылады.

Қосымша уақыт жеке конкурсанттарға жеке берілмейді.

Егер кемінде бір конкурсант тапсырманы белгіленген уақытта аяқтаған болса, уақытты ұзарту туралы шешім қабылданбайды.

Жабдықтың ақаулығы конкурстық тапсырманы орындауға әсер еткен жағдайда қосымша уақыт Құзыреттілікті басқару командасының шешімімен берілуі мүмкін.

7.3.3. Конкурс уақытындағы коммуникация

Конкурсант пен эксперт-компатриот арасындағы кез келген байланыс басқа бір сарапшының қатысуымен ғана жүзеге асырылуы тиіс.

Конкурсанттардың басқа конкурсанттармен немесе келушілермен байланысына тыйым салынады, тек Бас сарапшы рұқсат берген ерекше жағдайларды қоспағанда.

7.3.4. Денсаулық, қауіпсіздік және қоршаған орта

Еңбек қауіпсіздігі мен техника қауіпсіздігі талаптарын сақтамау бағаның төмендетілуіне әкелуі мүмкін.

Жүйелі немесе өрескел бұзушылықтар конкурсантты Чемпионаттан шеттетуге дейін апаруы мүмкін.

Санкцияларды қолдану туралы шешімді сарапшылар қабылдайды және ол конкурсантқа хабарланады.

8. ТЕХНИКАЛЫҚ СИПАТТАМАЛАР

8.1. Жалпы ақпарат

Чемпионаттың әрбір құзыреттілігіне сәйкес жарысты ұйымдастыру және өткізу тәртібін, мазмұнын және талаптарын айқындайтын Техникалық сипаттама әзірленеді.

Техникалық сипаттама міндетті нормативтік құжат болып табылады және Чемпионатты дайындау мен өткізу барысында қолданылады.

8.2. Мазмұны мен көлемі

Әрбір құзыреттіліктің техникалық сипаттамасы келесі ақпаратты қамтиды:

- құзыреттіліктің атауы мен сипаттамасы;
- WorldSkills кәсіби стандарттары (тиісті құзыреттілік бойынша);
- бағалау тәсілдері мен қағидаттары;
- бағалау схемасы;
- конкурстық тапсырманың форматы мен құрылымы, оған қойылатын талаптар, қолданылатын әзірлеу ортасы, сондай-ақ конкурстық тапсырмаға өзгерістер енгізу тәртібі (кемінде 30%);
- құзыреттілікті басқару тәртібі;
- Чемпионатты өткізу тәртібі;
- еңбек қауіпсіздігі және техника қауіпсіздігі бойынша арнайы талаптар;
- конкурсанттар мен сарапшылар ұсынатын шығыс материалдар мен жабдықтардың тізбесі;
- конкурстық алаңда пайдалануға тыйым салынған материалдар мен жабдықтардың тізбесі;
- келушілермен жұмыс және бұқаралық ақпарат құралдарымен өзара әрекеттесу талаптары.

Техникалық сипаттамада, әдетте, алдыңғы Чемпионаттардың материалдары негізінде конкурстық алаңдардың үлгілік жоспарлары мен орналасу схемалары да келтірілуі мүмкін.

Техникалық сипаттама Ұйымдастырушы және (немесе) Чемпионат демеушілері ұсынатын материалдар мен жабдықтардың тізбесін

айқындамайды. Бұл мәліметтер тиісті құзыреттіліктің Инфрақұрылымдық парағында көрсетіледі.

8.3. Басымдық

Техникалық сипаттамалар Чемпионат қағидаларына сәйкес әзірленеді және оларға қайшы келмеуі тиіс.

Техникалық сипаттама мен Чемпионат қағидалары арасында сәйкессіздік анықталған жағдайда Чемпионат қағидалары басымдыққа ие болады.

8.4. Қолжетімділік

Техникалық сипаттамалар Чемпионат басталғанға дейін кемінде екі ай бұрын Ұйымдастырушының ресми веб-сайтында орналастырылады.

8.5. Жаңарту және жарамдылығы

Техникалық сипаттама халықаралық WorldSkills стандарттары негізінде әзірленеді және әрбір Чемпионат алдында сарапшылар тарапынан жаңартылып отырады.

Егер жаңа құзыреттілік бойынша техникалық сипаттама болмаған жағдайда, ол сарапшылар тарапынан салалық және (немесе) кәсіби стандарттар негізінде әзірленеді.

Жаңартылған техникалық сипаттама Чемпионат басталғанға дейін екі айдан кешіктірілмей Ұйымдастырушының ресми веб-сайтында жарияланады.

8.6. Құзыреттілік ережелері

Конкурстық тапсырмаларды орындау басталғанға дейін сарапшылар тиісті құзыреттілікке ғана қатысты қосымша ережелер әзірлеуге құқылы.

Құзыреттілік ережелері техникалық сипаттаманы жаңарту шеңберінде сарапшылармен бекітіледі және Чемпионат қағидаларын жоя алмайды, өзгерте алмайды немесе оларға қайшы келмеуі тиіс.

Бұл ережелер тек тиісті құзыреттіліктің ерекшеліктері мен арнайы талаптарына қатысты бөлігінде ғана қолданылады.

9. ИНФРАҚҰРЫЛЫМДЫҚ ПАРАҚТАР

9.1. Анықтамасы

Инфрақұрылымдық парақ – әрбір құзыреттілік бойынша Чемпионатты өткізуге қажетті материалдардың, құралдардың және жабдықтардың тізбесін қамтитын құжат.

9.2. Әзірлеу

Инфрақұрылымдық парақ Чемпионат басталғанға дейін кемінде үш ай бұрын Бас сарапшы және Бас сарапшының орынбасары тарапынан әзірленеді, тексеріледі және жаңартылады.

Конкурстық тапсырма бекітілген инфрақұрылымдық парақ негізінде әзірленеді.

Белгіленген мерзім өткеннен кейін инфрақұрылымдық параққа өзгерістер енгізуге форс-мажор жағдайларын қоспағанда жол берілмейді.

9.3. Жариялау

Чемпионаттың инфрақұрылымдық парағы Ұйымдастырушының ресми веб-сайтында орналастырылады.

9.4. Материалдар мен құралдарды жеткізу

Ұйымдастырушы әрбір құзыреттілік бойынша инфрақұрылымдық парақта көрсетілген жабдықтар мен материалдардың берілуін немесе олардың функционалдық баламаларын қамтамасыз етеді.

Баламалар Бас сарапшы және оның орынбасарымен алдын ала келісілген болуы тиіс.

9.5. Жетіспейтін заттар

Егер алаңда инфрақұрылымдық парақта көрсетілген жабдықтар немесе материалдар болмаған жағдайда, Ұйымдастырушы оларды уақтылы қамтамасыз ету бойынша шаралар қабылдайды.

Жетіспейтін материалдар немесе жабдықтар анықталған жағдайда бұл туралы алаң менеджеріне дереу хабарлау қажет.

9.6. Конкурсанттың тулбокстары

9.6.1. Анықтамасы

Конкурсанттың тулбоксы – конкурстық тапсырманы орындау үшін қолданылатын құралдар мен (немесе) жабдықтарды қамтитын контейнер.

Конкурсанттар тек:

- техникалық сипаттамада;
- инфрақұрылымдық парақта көрсетілген;
- немесе Чемпионат басталғанға дейін Бас сарапшы немесе оның орынбасары мақұлдаған

құралдар мен жабдықтарды ғана пайдалана алады.

Ұйымдастырушы ұсынатын жабдықтарға функционалды жағынан ұқсас жеке жабдықтарды пайдалану Құзыреттілікті басқару командасының шешімімен ғана рұқсат етіледі.

9.6.2. Қағидааттар

Сарапшылар конкурсант тулбоксына енгізуге рұқсат етілетін жеке құралдардың санын және түрін анықтайды.

9.6.3. Тулбокстарды тексеру

Конкурсанттардың тулбокстары С-1 күнінен С3 күніне дейін күн сайын тексеріледі.

Тексеру конкурсанттың қатысуымен сарапшылар тобы арқылы жүргізіледі және конкурсантқа әділетсіз артықшылық беретін рұқсат етілмеген заттарды анықтау және алып тастауға бағытталған.

С-1 мен С3 аралығында тулбоксты қосымша құралдармен толықтыруға жол берілмейді, тек жабдықтың бұзылуы жағдайында және Құзыреттілікті басқару командасымен алдын ала келісілген жағдайда ғана рұқсат етіледі.

Күдікті немесе рұқсат етілмеген жабдық табылған жағдайда сарапшылар бұл туралы:

- Бас сарапшыға
- эксперт-компатриотқа дереу хабарлауға міндетті.

Конкурсант пен оның эксперт-компатриоты табылған заттың мақсаты туралы түсініктеме беруге құқылы.

Рұқсат етілмеген заттар тулбокстан алынып, Чемпионат аяқталғаннан кейін конкурсантқа қайтарылады.

Сарапшыларға конкурсант жабдықтарын бөлшектеуге немесе олардың тұтастығын бұзуға тыйым салынады.

Чемпионаттың конкурс күндері тулбокстағы құралдар мен жабдықтарды басқа конкурсанттарға немесе сарапшыларға беруге тыйым салынады.

Жабдықтармен барлық әрекеттер конкурсанттың, оның эксперт-компатриотының және басқа сарапшының қатысуымен жүргізіледі.

9.6.4. Тулбокстарды алып шығу

Тулбокстар конкурстық жұмыстарға меншік құқығын анықтау рәсімдері аяқталғанға дейін және жеткізілген жабдықтарға аудит жүргізілгенге дейін Чемпионат өткізу орнынан шығарылмайды.

10. КОНКУРСТЫҚ ТАПСЫРМАЛАР

10.1. Анықтамасы

Әрбір құзыреттілік бойынша қатысушылардың кәсіби шеберлігін көрсету үшін орындауы тиіс жұмыстарды сипаттайтын конкурстық тапсырма әзірленеді.

Конкурстық тапсырма ашық немесе жабық (құпия) болуы мүмкін.

10.2. Ұзақтығы

Конкурстық тапсырманың жалпы орындалу ұзақтығы Чемпионаттың барлық конкурс күндері ішінде 21 сағаттан аспауы тиіс.

16–18 жас аралығындағы конкурсанттар қатысқан жағдайда:

- бір күндегі жұмыс уақыты 6 сағаттан аспауы тиіс;
- жалпы ұзақтығы 3 күн ішінде 18 сағаттан аспайды.

Бұл талаптар Қазақстан Республикасының еңбек заңнамасына сәйкес белгіленеді.

10.3. Қолданылатын материалдар мен жабдықтар

Конкурстық тапсырма инфрақұрылымдық парақта көрсетілген материалдар мен жабдықтарды пайдалану арқылы толық орындалуы тиіс.

Материалдар мен жабдықтар саны әр қатысушыға есептеліп көрсетіледі.

Кейбір тұтыну материалдардың нақты саны қатысушыларды тіркеу аяқталғаннан кейін нақтылануы мүмкін.

10.4. Формат

Ашық конкурстық тапсырмалар, сызбалар және ілеспе құжаттар Чемпионат басталғанға дейін екі айдан кешіктірілмей Ұйымдастырушының ресми веб-сайтында жарияланады.

Құпия тапсырмаларды дайындау, сақтау және тарату тәртібі осы Қағидаларда белгіленген құпиялылық талаптарына сәйкес жүзеге асырылады.

10.5. Үшінші тұлғаларды тарту

Бәсекелік тапсырма, бағалау критерийлері жобасы, сондай-ақ

материалдар мен жабдықтардың тізімдері үшінші тұлғаларды тарта отырып дайындалуы мүмкін.

Бәсекелік тапсырманы әзірлеу кезінде үшінші тарап оның қабілет стандарттарына, Техникалық сипаттама талаптарына және бекітілген бәсекелік тапсырма форматына сәйкес болуын қамтамасыз етеді.

10.6. Нәтижелерді тексеру және растау

Конкурс тапсырмасы міндетті түрде тексеруден өтеді және оның жұмысқа жарамдылығы мен берілген мерзімде орындалуы мүмкін екендігі расталуы қажет, осы үшін қарастырылған материалдар, жабдықтар, білімдер және уақыт шектеулері қолданылады.

Конкурс тапсырмасының тексерілуі, соның ішінде дайын жобаны көрсету, фотосуреттер немесе басқа да дәлелдемелік материалдар арқылы расталады. Тексерісті растайтын барлық материалдар Чемпионат басталғанға дейін кемінде екі ай бұрын Ұйымдастырушыға ұсынылуы тиіс.

10.7. Бәсекелік тапсырманы анықтау тәртібі

Келесі Чемпионатқа бірнеше нұсқадағы бәсекелік тапсырма бар болған жағдайда тест жобасын анықтау келесі тәсілдердің біреуі арқылы жүзеге асырылады:

- Алдыңғы Чемпионаттағы қарапайым Сарапшылардың көпшілік дауысы арқылы, Сарапшылар кеңесінде немесе ағымдағы Чемпионатта;
- Ұйымдастырушының уәкілетті өкілі немесе Сарапшылар тарапынан өткізілетін кездейсоқ таңдау арқылы.

Конкурс тапсырмасын белгілеу тәртібі әр құзыреттіліктің Техникалық сипаттамасында айқындалады.

Егер конкурстық тапсырманы үшінші тарап әзірлеген болса, Сарапшылар оның анықталу процесіне қатыспайды.

10.8. Құпиялық

Конкурстық тапсырма туралы ақпарат тек қажетті көлемде және мерзімде ғана таратылады.

Жабық (құпия) тапсырма әзірлеу кезінде оның мазмұнына қол жеткізу тек Бас сарапшы мен оның орынбасары үшін рұқсат етіледі.

Егер жабық тапсырманы үшінші тұлға әзірлесе, **Бас сарапшы** мен орынбасары тек Техникалық сипаттама мен Инфрақұрылым парағына қол жеткізе алады. Жабық тапсырманың мазмұны оларға берілмейді.

Конкурстық тапсырманың материалдарының қауіпсіздігін, құпиялығын қамтамасыз ету және рұқсат етілмеген қолжетімділіктің алдын алу жауапкершілігі, берілген ақпаратпен жұмыс істеуге рұқсат етілген тұлғаларға жүктеледі.

10.9. Ашық және құпия бәсекелік тапсырмалар

Конкурстық тапсырмалар жіктеледі:

- Қол жеткізу деңгейі бойынша – ашық және жабық (құпия);
- Құрылымы бойынша – модульді және модульсіз.

Конкурстық тапсырмаларды әзірлеу, тарату, өзгерту және беру тәртібі осы Ережелермен және сәйкес қабілеттің Техникалық сипаттамасымен белгіленеді.

10.9.1. Құпия тапсырмалар

Құпия тапсырмаларды Бас сарапшы немесе Ұлттық оператор тартқан үшінші тұлға әзірлейді. Құпия тапсырмалар жарыстар басталғанға дейін жарияланбайды және таратылмайды.

Құпия тапсырмаларды қатысушыларға беру тәртібі:

- Модульсіз тапсырмалар – С1 күні, конкурс басталуға 30 минут қалғанда;
- Модульді тапсырмалар – конкурс күндері С1, С2, С3, сәйкес модуль басталуға 30 минут қалғанда.

Құпия тапсырмалар бойынша бағалау критерийлері Чемпионат аяқталғанға дейін таратылмайды. Қатысушыларға тек бағалау қорытынды парағы беріледі.

Бағалау парақтары конкурстың басында немесе әр модуль басталғанға дейін беріледі, тапсырма форматына сәйкес.

10.9.2. Ашық тапсырмалар

Ашық тапсырмалар, соның ішінде сызбалар мен қосымша құжаттар, Чемпионат басталғанға дейін кемінде екі ай бұрын Ұйымдастырушының ресми веб-сайтында орналастырылады.

Ашық тапсырмалар үшін:

- Бағалау критерийлері С-2 күні Сарапшылар жиналысында талданады;
- Бағалау қорытынды парағы С-1 күні қатысушыларға жиналыс барысында беріледі.

10.9.3. Бәсекелік тапсырманы 30% өзгерту Егер тапсырма алдын-ала қатысушыларға таратылған болса, Чемпионат басталғанға дейін оның мазмұны кемінде 30% өзгертіледі.

Өзгеріс Инфрақұрылым парағында қарастырылған материалдар мен жабдық шеңберінде жүргізіледі және қатысушыларды нақты тапсырмаға дайындалудан сақтауға бағытталған. 30%-дық өзгеріс туралы шешім Сарапшылардың қарапайым көпшілік дауысы (50% + 1) арқылы Чемпионат басталғанға дейін қабылданады. Өзгеріс фактісі міндетті түрде хаттамалық түрде құжатталады.

Хаттаманы Бас сарапшы толтырады және барлық Сарапшылар қол қояды. Өзгертілген мазмұн жарияланбайды. 30%-дық өзгерістен кейін қатысушыларға тек бағалау қорытынды парағы беріледі, нақты бағалау аспектілері хабарланбайды.

10.9.4. Үшінші тарап әзірлеген құпия тапсырмалар

Егер тапсырма мен бағалау критерийлері үшінші тұлға әзірлеп, Чемпионатқа дейін таратылмаған болса, Сарапшылар бағалау критерийлерін бекітпейді.

10.10. Қатысушыға тапсырма және бағалау бойынша брифинг

Чемпионатта келесі типтегі бәсекелік тапсырмалар қолданылады:

- Модульсіз – тапсырма толық аяқталған соң бағаланады;

- Модульді – тапсырма модульдерге бөлінген және әр модуль аяқталған сайын бағаланады.

Тапсырма типі Сарапшылар дауыс беру арқылы Чемпионат басталғанға дейін анықталады.

10.10.1. Модульсіз конкурс тапсырмалары

Қатысушыларға толық тапсырма, түсіндірме материалдар және бағалау қорытынды парағы Чемпионат басталғанға дейін беріледі.

Қатысушыларға тапсырмамен танысу және сұрақ қою үшін кемінде бір сағат беріледі. Бұл уақыт конкурс уақытына қосылмайды.

10.10.2. Модульді конкурс тапсырмалары

Қатысушыларға әр модульге арналған тапсырма, түсіндірме материалдар және бағалау қорытынды парағы модуль басталғанға дейін беріледі.

Бас сарапшы немесе тағайындалған Сарапшы мазмұнды қажет болған жағдайда түсіндіреді.

Қатысушыларға материалдармен танысу және сұрақ қою үшін кемінде 15 минут беріледі. Бұл уақыт конкурс уақытына қосылмайды.

10.10.3. Сандық және сарапшылық бағалау

Сандық және сарапшылық бағалау аспектілері қатысушыларға хабарланбайды.

10.11. Аударма

Сарапшылар конкурс тапсырмаларын және бағалау критерийлерін зерттеп, өз қатысушыларының сөйлеу тіліне ыңғайлап аударып, түсіндіру жұмыстарын жүргізеді.

10.12. Зияткерлік меншік

Сарапшылар таңдап, Чемпионат өткізуге жарамды деп таныған конкурс тапсырмалары Ұйымдастырушыда сақталады және кейінгі қолдану үшін аймақтар мен ұйымдарға беруге болады.

Тапсырмалар цифрлық форматта сақталады және беріледі.

10.13. Аяқталған тапсырмалардың қауіпсіздігі

Аяқталған тапсырмаларды жою, жұмыс алаңдарын және жабдықтарды демонтаждау, қатысушылардың барлық жұмыстарын бағалау, апелляциялар аяқталғанға дейін және алаң менеджерінен рұқсат алынғанға дейін мүмкін емес.

10.14. Аяқталған тапсырмалардың иелігі

Аяқталған тапсырмалар Чемпионат Ұйымдастырушысының меншігі болып табылады.

Оларды Чемпионат өтіп жатқан орыннан алып кетуге немесе рұқсатсыз пайдалануға болмайды.

11. БАҒАЛАУ КРИТЕРИЙЛЕРІ

11.1 Бағалау туралы

Чемпионатта бағалау екі негізгі әдіс арқылы жүргізіледі:

Сандық және сарапшылық бағалау

Екі әдіс үшін де бақылау көрсеткіштерін пайдалану міндетті. Бағалаудың негізгі құралдары:

- WorldSkills кәсіби стандарттары
- бағалау схемасы
- конкурстық тапсырма
- CIS жарыс ақпараттық жүйесі

Бағалау ашық, объективті және алдын ала белгіленген критерийлер негізінде жүргізіледі. Бұл барлық қатысушылар үшін тең жағдайды қамтамасыз етеді.

11.1.1 Анықтамалар

Бағалау – белгіленген критерийлер негізінде қатысушылардың нәтижелерін анықтау процесі.

Бағалау критерийі – конкурстық тапсырманың белгілі бір элементін сипаттайтын көрсеткіш.

Балдар – бағалау критерийлері бойынша алынған нәтижелердің сандық көрсеткіші.

11.2 WORLDSKILLS КӘСІБИ СТАНДАРТТАРЫ

Әрбір құзыреттілік бойынша WorldSkills кәсіби стандарттары қолданылады.

Бұл стандарттар халықаралық тәжірибеге сәйкес келетін:

- білімді
- дағдыларды
- кәсіби құзыреттерді анықтайды. Бағалау схемасы:
- WorldSkills кәсіби стандарттары негізінде
- конкурстық тапсырма талаптарын
- құзыреттіліктің техникалық сипаттамасын ескере отырып жасалады.

Ұлттық ерекшеліктерді ескеру үшін стандарттарды бейімдеуге рұқсат етіледі, бірақ халықаралық талаптарға сәйкестік сақталуы тиіс.

11.2.1 Салмақ коэффициенттері

WorldSkills кәсіби стандарттары бөлімдерге бөлінеді. Әр бөлімге пайыздық салмақ коэффициенті беріледі. Бұл коэффициент:

- кәсіби дағдылардың маңыздылығын көрсетеді
- бағалау схемасын құру кезінде қолданылады.

Коэффициенттерді 5%-дан артық өзгертуге болмайды. Барлық өзгерістер:

- міндетті түрде құжатталады
- құзыреттілікті басқару командасымен келісіліп бекітіледі.

11.3 БАҒАЛАУ ӘДІСТЕРІ

Екі бағалау әдісі қолданылады:

1. Өлшеу әдісі

Объективті түрде өлшеуге болатын параметрлерді бағалау үшін қолданылады.

2. Сараптамалық (судейлік) әдіс

Жұмыстың сапасын және сарапшы пікірін қажет ететін көрсеткіштерді бағалау үшін қолданылады.

Бағалау әдісі:

- техникалық сипаттамада көрсетіледі
- бағалау схемасында бекітіледі.

Барлық бағалау WorldSkills кәсіби стандарттарына сәйкес критерийлер бойынша жүргізіледі.

11.3.1 Бағалау бағдарлары

Барлық критерийлерде нақты бағалау бағдарлары болуы тиіс. Барлық қатысушылар бірдей критерийлер бойынша бағаланады.

Қатысушыларды жай ғана рейтинг бойынша орналастыруға болмайды.

Егер сарапшылар арасында келіспеушілік болса, бағалар Чемпионат ережелеріне сәйкес келісіліп шешіледі.

11.4 БАҒАЛАУ БОЙЫНША САРАПШЫЛАРДЫ ОҚЫТУ

Сарапшыларды бағалау бойынша дайындау чемпионат алдында (С-2 – С-1) жүргізіледі және міндетті болып табылады. Оқытуға мыналар кіреді:

- бағалау критерийлері бойынша брифинг
- сарапшылардың білімін тексеру
- бағалау эталондары мен дескрипторларды түсіндіру

Оқудан өтпеген немесе дайын екенін дәлелдемеген сарапшылар бағалауға жіберілмейді.

Оқу аяқталғаны хаттамамен рәсімделеді.

11.5 КРИТЕРИЙЛІК БАҒАЛАУ СХЕМАСЫ

Бағалау схемасы бағалау критерийлерін жүйелейді, балдарды бөледі, WorldSkills кәсіби стандарттарына негізделеді.

Бағалау парағын (Marking Scheme) талқылау, өзгерту және бекіту хаттамамен рәсімделеді, талқылау күні, қатысқан сарапшылардың қолдары қойылады.

11.5.1 Бағалау шкаласы

Әр құзыреттілікте 100 балдық шкала қолданылады.

11.5.2 Бағалау критерийлері

Бағалау схемасында әдетте 5-тен 9-ға дейін критерий болады. Балдарды бөлу WorldSkills кәсіби стандарттарының салмақ коэффициенттеріне сәйкес болуы тиіс.

11.5.3 Субкритерийлер

Әр критерий бір немесе бірнеше субкритерийге бөлінеді.

Әр субкритерийді бағалау үшін арнайы сарапшылар тобы тағайындалады. Бұл әдіс:

- объективті бағалауды
- мүдделер қақтығысының болмауын қамтамасыз етеді.

11.5.4 Аспектiлер

Әр субкритерий аспектілерге бөлінеді.

Әр аспект үшін:

- балл беріледі
- ол өлшеу немесе сараптамалық болуы мүмкін.

Бағалау схемасында 50-ден 300-ге дейін аспект болуы тиіс.

11.5.5 Балдарды бөлу

Бір аспектiнiң максималды салмағы 2 балдан аспауы керек.

11.5.6 Бағалау формаларын дайындау

CIS жүйесі әр субкритерий үшін бағалау формасын жасайды. Формада мыналар болады:

- аспектилер тізімі
- бағалау сипаттамасы
- максималды балл
- жауапты сарапшылар тобы.

11.5.7 Бағалау формаларын пайдалану

Сарапшылар қойған барлық баллдар CIS жүйесіндегі бағалау формасына енгізіледі.

Балдарды дұрыс енгізілуіне бағалау жүргізетін сарапшылар тобы жауапты.

11.5.8 CIS есептеулерін пайдалану

Есептеу қажет болған жағдайда CIS жүйесінің функциялары қолданылады.

11.5.9 Бағалау схемасын өзгерту

Ерекше жағдайларда бағалау схемасының талаптарын өзгертуге құзыреттілікті басқару тобының C1 кезеңіне дейін жазбаша түрде берген өтініші негізінде рұқсат етіледі. Барлық өзгерістер хаттамаға енгізіледі және Ұйымдастырушы тараппен келісім жасалады.

11.6 БАҒАЛАУ ЖӘНЕ БАЛЛ БӨЛУ РӘСІМДЕРІ

11.6.1 Чемпионаттың басталуы

Чемпионат басталғанға дейін CIS жүйесінің командасы бағалау жүргізуге жүйенің дайын екенін растайды.

11.6.2 Бағалау топтары

Әрбір бағалау тобы үш сарапшыдан тұрады.

Бағалау процесін төртінші сарапшы үйлестіреді, ол:

- бағалау рәсімдерінің сақталуын бақылайды;
- компатриоттарды (бір өңірден келген қатысушыларды) бағалауға жол бермейді.

Төртінші сарапшы балл қоюға қатыспайды.

Қосымша сарапшылар бақылау немесе оқыту мақсатында қатыса алады.

11.6.3 Қосарланған өлшеу бағасы

Екі тәуелсіз сарапшылар тобы арқылы қосарланған өлшеу бағасын қолдануға болады.

Егер бағалар арасында айырмашылық болса, ортақ нәтижеге жету үшін қайта қарау жүргізіледі.

Даулы бағалар бойынша соңғы шешімді құзыреттілікті басқару командасы қабылдайды.

11.6.4 Тәуелсіз бағалау өлшемі

Тәуелсіз сарапшыларды Ұйымдастырушы тағайындайды. Олар:

- этика және мінез-құлық кодексін сақтауы тиіс;
- арнайы оқытудан өтуі қажет.

Тәуелсіз сарапшылар бағалайтын қатысушылардың өңірін білдірмеуі тиіс.

11.6.5 Бағалау тәртібі

- бинарлық (иә/жоқ);
- дискретті (нақты мәндер бойынша)

болуы мүмкін және кәсіби тәжірибеге сәйкес жүргізіледі.

11.6.6 Сарапшылық бағалау процесі

Әрбір субкритерий аспектісі бойынша сарапшылар 0-ден 3-ке дейінгі бағалау өлшем бірлігі бойынша балл қояды.

Әр сарапшы тәуелсіз түрде бағалайды. Бағалау шкаласы:

0 балл – нәтиже WorldSkills кәсіби стандарттарынан төмен.

1 балл – нәтиже WorldSkills кәсіби стандарттарына сәйкес.

2 балл – нәтиже кәсіби стандарттардан жоғары.

3 балл – өте жоғары кәсіби шеберлік деңгейіне сәйкес.

Бағалау схемасындағы бақылау көрсеткіштері тапсырманың эталоны ретінде қолданылады.

Егер қағаз түріндегі бағалау қолданылса, онда:

- әр сарапшы балды жеке қояды;
- супервайзер белгі бергенде сарапшылар балдарын бір уақытта көрсетеді;
- айырмашылық 1 балдан көп болса, қайта бағалау жүргізіледі;
- қажет жағдайда қысқа талқылауға рұқсат беріледі.

Бақылау көрсеткіштері бағалау схемасын жасау кезінде бекітіледі және бағалау кезінде өзгертілмейді.

11.6.7 CIS жүйесіне бағаларды енгізу

Қорытынды балдар CIS жүйесіне енгізіледі.

Егер қағаз формалар қолданылса, мәліметтер кейін CIS жүйесіне енгізіледі. Деректердің дұрыстығына сарапшылар тобы жауап береді.

11.6.8 Бағалау мен өлшеуді тексеру

Егер сараптамалық бағалаудың дұрыстығына күмән болса, құзыреттілікті басқару командасы өлшеу нәтижелерімен сәйкестігін тексеруді бастай алады.

11.6.9 Қатысушылардың қатысуымен бағалау

Әдетте қатысушылардың қатысуымен бағалау жүргізілмейді, егер техникалық сипаттамада басқаша көрсетілмесе.

11.6.10 Күн сайын бағаларды енгізу

Субкритерийлер бойынша балдар:

- келесі күнгі 10:00-ге дейін CIS жүйесіне енгізіліп, сарапшылармен расталуы тиіс.

Чемпионаттың соңғы күні:

- бағалар 22:00-ге дейін енгізіледі;
- растау C+1 күні 12:00-ге дейін жүргізіледі.

11.7 ҚОРЫТЫНДЫ НӘТИЖЕЛЕРДІ ӨНДЕУ

11.7.1 Бағалау формаларын тексеру

Бағалау кезінде балдар қолмен толтырылған ведомостардан CIS жүйесіне енгізіледі.

Цифрлық бағалау кезінде балдар тікелей электронды құрылғылар арқылы енгізілуі мүмкін.

Субкритерий бағаланғаннан кейін Бас сарапшы CIS жүйесінде бағаларды енгізуді бұғаттайды.

Содан кейін CIS жүйесі:

- электронды бағалау формаларын
- күн бойынша жиынтық нәтижелерді қалыптастырады.

Сарапшылар өздерінің компатриот қатысушыларының нәтижелерін қағаз формалармен салыстырып тексере алады.

Тексеру мақсаты –қағаз құжаттар мен CIS деректері арасындағы айырмашылықтарды анықтау.

Егер айырмашылық табылса, сарапшы бас сарапшыға дереу хабарлауы тиіс.

Қате расталса:

- бағалау қайта қаралады;
- қажет болса қайта өлшеу немесе қайта бағалау жүргізіледі. Бағалау

аспектілерін қайта ашу үшін:

- бағалау тобының
- Бас сарапшының түсіндірме жазбасы қажет.

Келісілгеннен кейін CIS командасы аспектіні ашады, өзгерістер енгізіліп қайта жабылады.

Барлық түзетулер сарапшылардың қолдарымен расталады.

11.7.2 Бағалауды аяқтау

Барлық бағалау және CIS жүйесіне енгізу соңғы жарыс күні 22:00-ге дейін аяқталуы тиіс.

Жауапкершілік Бас сарапшыға жүктеледі.

11.7.3 Сарапшылар жұмысының аяқталуы

Сарапшылар барлық бағалау құжаттарын ұйымдастырушыға тапсырмайынша жұмыстан босатылмайды.

11.7.4 WorldSkills бағалау өлшем бірлігін қолдану

Барлық құзыреттіліктердің нәтижелері WorldSkills бағалау өлшем бірлігіне келтіріледі.

100 балдық нәтиже CIS жүйесінде 700 балдық WorldSkills өлшем бірлігіне аударылады.

700 балл – кәсіби деңгейдің ең төменгі шегі.

11.7.5 Бағаларды дөңгелектеу

Аспектiлер бойынша бағалар екі ондық таңбаға дейін дөңгелектенеді. Егер үшінші ондық сан:

- 5 немесе одан жоғары болса – жоғары жаққа;
- 5-тен төмен болса – төмен жаққа дөңгелектенеді.

11.7.6 Мәлімет енгізу қателерін түзету

Егер енгізу кезінде қате анықталса, сарапшы бас сарапшыға хабарлауы тиіс.

Қате расталғаннан кейін:

- бағалар қайта енгізіледі;
- жаңартылған формалар қайтадан сарапшылармен қол қойылып бекітіледі.

Алғашқы және түзетілген формалар өзгерістер хаттамасы ретінде сақталады.

11.8 Бағалау өзгерістерін құжаттау

CIS жүйесіне енгізілгеннен кейін жасалған барлық өзгерістер міндетті түрде хаттамаға тіркеледі.

Бұл құжаттар апелляция кезінде қызметтік тексерулерде қолданылуы мүмкін.

11.9 Нәтижелерді жариялау

Қатысушыларға әр құзыреттілік бойынша жинаған баллдары, алған орындары, медальдары, медальондары көрсетілген ресми нәтижелер беріледі.

Нәтижелер чемпионаттың жабылу салтанатында жарияланады.

Ресми нәтижелер кейін Ұлттық оператордың сайтында жарияланады.

Сонымен қатар аймақтар рейтингін жасау үшін салыстырмалы нәтижелер жарияланады.

11.10 МЕДАЛЬДАР ЖӘНЕ МАРАПАТТАР

11.10.1 Жүлделі медальдар

Келесі медальдар беріледі:

- Алтын медаль – 1 орын
- Күміс медаль – 2 орын
- Қола медаль – 3 орын

Кәсіби шеберлік медальоны белгіленген кәсіби деңгейге жеткен қатысушыларға беріледі.

Ресми құзыреттіліктерде жүлделі орын алу үшін 700 балдан жоғары нәтиже қажет.

Демонстрациялық құзыреттіліктер де ресми медаль есебіне енгізіледі.

11.10.2 Бірдей медальдарды беру

Егер қатысушылардың нәтижелеріндегі айырма WorldSkills-тың 700 балдық шкаласы бойынша бір балдан аспаса, сәйкес дәрежедегі медальдарды бірдей беру рұқсат етіледі.

12. МӘСЕЛЕЛЕР МЕН ДАУЛАРДЫ ШЕШУ

WorldSkills Kazakhstan қозғалысы аясында мәселелер мен дауларды шешу процесі чемпионатты дайындау, өткізу және аяқтау кезеңдерінде туындайтын жағдайларды реттеу үшін қолданылады. Бұған Этика кодексі мен Чемпионат ережелерін бұзу жағдайлары да кіреді.

Бұл процесс шешімдердің объективті, әділ уақтылы шешім қабылдануын қамтамасыз етуге бағытталған және Чемпионаттың С-3-тен С+1-ге дейінгі кезеңінде жүзеге асырылады.

12.1 Этика кодексі мен Чемпионат ережелерін бұзу

Чемпионаттың Этика және мінез-құлық кодексін және (немесе) Ережелерін бұзушылықтарға Чемпионат Қатысушыларының әрекеттері немесе әрекетсіздігі жатады, олар сипатына, ауырлық дәрежесіне және салдарына байланысты Құзыреттілікті басқару тобы немесе Апелляциялық комитет тарапынан қарауға жатады.

Құқық бұзушылықты саралау кезінде оның сипаты, қасақаналық дәрежесі, қайталануы, Чемпионат нәтижелеріне әсері және ықтимал беделдік тәуекелдер ескеріледі.

Болжамды құқық бұзушылық фактісі міндетті түрде Құзыреттілікті басқару командасы немесе Ұйымдастырушы тарапынан тіркеліп, хаттама жазылады.

Құқық бұзушылықтар келесідей түрлерге бөлінеді:

- рәсімдік, ұйымдастырушылық және техникалық құқық бұзушылықтар. Оларды Құзыреттілікті басқару командасы қарайды және реттейді;
- Әдеп кодексі мен Чемпионат ережелерінің елеулі бұзушылықтары. Оларды Апелляциялық комитет қарайды.

Мүмкін болатын құқық бұзушылықтарға, оның ішінде, мыналар жатады:

- жеке заттарды, жабдықтарды немесе материалдарды ұрлау
- алаяқтық немесе жалған құжат жасау
- физикалық зорлық, қорқыту немесе қысым көрсету
- әдепсіз, агрессивті немесе қорлайтын мінез-құлық
- чемпионатта қолданылатын мүлікті қасақана бүлдіру
- чемпионатқа қатысты құпия ақпаратты заңсыз пайдалану
- WorldSkills Kazakhstan беделіне нұқсан келтіретін жалған немесе қорлайтын ақпарат тарату (соның ішінде әлеуметтік желілерде)
- пара беру немесе алу
- қатысушылардың мүлкіне немесе денсаулығына немқұрайлық салдарынан зиян келтіру
- алкоголь, есірткі немесе дәрілік мас күйінде қызмет атқару
- бағалау процедураларын қасақана бұзу
- CIS жүйесіне жалған мәлімет енгізу
- сарапшылар немесе қатысушылар арасында бағалауға әсер ету мақсатындағы келісім.
- қатысушыны кемсіту немесе қудалау

Құқық бұзушылықтар тізімі толық (шектеулі) болып табылмайды.

12.2 Мәселелер мен дауларды шешу тәртібі

Конкурс алаңында туындайтын барлық мәселелер алдымен құзыреттілікті басқару командасында қаралады.

Құзыреттілікті басқару командасының құзыретіне мыналар кіреді:

- рәсімдік, ұйымдастырушылық және техникалық мәселелер;
- жарыс барысында жіберілген қателер;
- Ережелерді жүйелі немесе қасақана бұзушылық белгілері болмаған жағдайда.
- Егер бастапқы қараудан кейін:
 - мәселе шешілмесе;
 - этика кодексін бұзу белгілері болса;
 - жүйелі немесе қасақана бұзушылық байқалса онда мәселе даулы жағдай деп танылады және Апелляциялық комитетке беріледі.

Егер даулы жағдай Құзыреттілікті басқару командасымен анықталып, нақты бір өңірдің әрекеттерімен байланысты болмаса, материалдар Апелляциялық комитетке тікелей Құзыреттілікті басқару командасы арқылы беріледі.

Қатысушылар міндетті түрде апелляция беруге міндетті емес, бірақ қажет болса бере алады.

Даулы жағдайды беру бастапқы ақпаратты, материалдарды және хаттамалық құжаттарды ұсынумен бірге жүзеге асырылады.

Даулы жағдайды Құзыреттілікті басқару командасының беруі қатысушылар тарапынан апелляциялық шағымды міндетті түрде беруді талап етпейді.

Бұл ретте апелляциялық шағым беру осы Ережелердің 12.5-тармағында белгіленген тәртіпке сәйкес жүзеге асырылады.

12.3 Шешім қабылдауға дейінгі негізгі қағидалар

Дауларды қарау кезінде келесі қағидалар сақталады:

- шешім шыққанға дейін қатысушы тапсырманы орындауды жалғастыра алады
 - егер қатысушы дауды қарау жиналысына қатысса, жоғалтқан уақыты өтеледі
 - кінәсіздік презумпциясы сақталады
 - жиналысқа қатысушылар саны минималды деңгейде болады
 - барлық талқылау құпия түрде жүргізіледі.
- Апелляциялық комитеттің шешімі соңғы шешім болып табылады.
- шешімдер барлық дәлелдерді ескере отырып қабылданады

12.4 Айыппұлдар мен тәртіптік шаралар

Тәртіптік шараларды қолдану кезінде бұзушылықтың ауырлығы, қасақаналықтың болуы, қайталануы және бұзушылықтың салдары ескеріледі.

Қатысушыға қатысты:

Нәтиже 600 баллдан аспайтын мәнмен шектелуі немесе тиісті құзырет бойынша ең төменгі нәтижеден 5 баллға төмен деңгейге дейін азайтылуы мүмкін (қай көрсеткіш төмен болса, соған сәйкес). Түзету ресми қорытындылар шығарылғанға дейін жүргізіледі. Қатысушы жарысты жалғастыруға немесе одан бас тартуға құқылы.

Сарапшыға қатысты:

Сарапшы алаңдағы жұмысынан шеттетіледі және Чемпионат аяқталғанға дейін өз қатысушысымен өзара әрекеттесуге тыйым салынады. Сарапшының бағалары CIS жүйесінде жойылады.

Апелляциялық комитет шешімімен сарапшы **3 жылға дейін сарапшы мәртебесінен айырылуы мүмкін.**

Жойылған бағалар тағайындалған бағалау тобы жүргізген қайта бағалау нәтижелерімен алмастырылады. Егер конкурс жұмысын тексеру және қайта бағалау мүмкін болмаса, бұрын қойылған бағалар сақталады.

CIS жүйесіне қате енгізу:

CIS жүйесіне бағалардың қате енгізілгені анықталған жағдайда, енгізілген деректер қағаз түріндегі бағалау хаттамаларына немесе бекітілген бағалау нысандарына сәйкес келмесе, бұл факт Құзыреттілікті басқару командасы тарапынан міндетті түрде тіркеледі.

Құқық бұзушылықты тіркеу анықталған бұзушылықтың мән-жайы, сәйкессіздіктердің сипаттамасы, бұзушылық анықталған күн, тексеруге қатысқан тұлғалар құрамы және Эксперттің түсіндірмелері көрсетілген хаттаманы жасау арқылы жүзеге асырылады. Хаттама тиісті құзырет бойынша Бас сарапшымен рәсімделеді, Құзыреттілікті басқару командасы мүшелерімен қол қойылады және Ұйымдастырушыға тапсырылады.

Қолданылатын шараны айқындау кезінде жіберілген бұзушылықтың сипаты, қасақаналықтың болуы немесе болмауы, бұзушылықтың бағалау нәтижелеріне әсері, сондай-ақ осындай бұзушылықтардың қайталануы ескеріледі.

Қолданылатын шаралар бір Чемпионат барысында бағаларды қате енгізудің расталған фактілерінің саны ескеріле отырып қолданылады.

Қате енгізу санына байланысты шаралар:

- 1 (бірінші) факт – хаттамаға міндетті түрде енгізілетін ресми ескерту немесе сөгіс; ескерту
- 2 (екінші) факт – ресми ескерту және бағаларды енгізу дұрыстығына қосымша бақылау енгізу;
- (үшінші) факт –Сарапшыны бағалау үдерісінен Чемпионат аяқталғанға дейін шеттету және материалдарды Апелляциялық комитетке беру;
- 4 (төртінші) және одан кейінгі фактілер – Сарапшыны WorldSkills

Kazakhstan чемпионаттарына қатысудан үш жыл мерзімге шеттету.

Тиісті құзырет бойынша Сарапшы бағалау үдерісінен шеттетілген жағдайда, осы Сарапшыны ұсынған өңір (ұйым) келесі күнтізбелік жылы аталған құзырет бойынша Сарапшылар мен Қатысушылар құрамын қалыптастыру кезінде Ұлттық оператор тарапынан қосымша бақылауға алынады.

Көрсетілген шаралар өңірдің Чемпионатқа қатысу құқығын шектемейді және жаңадан енгізілген құзыреттерге қолданылмайды.

Ұлттық оператор тиісті Сарапшыға қатысты қабылданған шешім туралы өңірлерге ресми хабарлама жолдайды.

Техникалық делегатқа қатысты:

Техникалық делегат тиісті өңірдің (ұйымның) Қатысушылары туралы толық, шынайы және өзекті ақпаратты ұсынуға, соның ішінде міндетті құжаттардың, оның ішінде медициналық анықтамалардың бар-жоғы мен дұрыстығына жеке жауапты болады.

Техникалық делегат тиісті өңірдің (ұйымның) Қатысушылары туралы толық, шынайы және өзекті ақпаратты ұсынуға, соның ішінде міндетті құжаттардың, оның ішінде медициналық анықтамалардың бар-жоғы мен дұрыстығына жеке жауапты болады. Міндетті құжаттардың жоқтығы немесе олардың дұрыс еместігі анықталған жағдайда, Техникалық делегатқа Ұйымдастырушының шешімі бойынша ресми ескерту немесе сөгіс түріндегі тәртіптік шара қолданылады.

Сарапшы-компатриотқа қатысты:

Егер сарапшы 2 сағаттан артық себепсіз жоқ болса ресми ескерту беріледі. Қайталанған жағдайда чемпионаттан шеттетіледі. Бұл қатысушының жарысты жалғастыруына әсер етпейді.

Қазылар алқасының төрағасына қатысты:

Егер төраға 3 сағаттан артық жоқ болса:

- ресми ескерту беріледі
- Ұлттық операторға хабарланады.

12.5 Апелляция процесі және мерзімдері

Апелляциялық комитет даулы жағдайларды апелляциялық шағымдарды қарастырады.

12.5.1 Апелляция негіздері

Комитет басқару командасы жіберген дауларды қарайды.

12.5.2 Апелляция бере алатын тұлғалар

Апелляцияны аймақтың Техникалық делегаты құзыреттілікті басқару командасы бере алады.

Басқа тұлғалардың апелляциялары қабылданбайды.

12.5.3 Апелляция беру тәртібі

Апелляция жазбаша түрде беріледі.

Оны Апелляциялық комитет тіркейді.

Негізсіз болса, комитет қараудан бас тарта алады.

12.5.4 Мерзімдер

- апелляция дау туындаған күні беріледі
- 18:00-ге дейін берілсе – 1 сағат ішінде қаралады
- 18:00-ден кейін берілсе – келесі күні 09:00-де қаралады
- соңғы жарыс күні 24:00-ге дейін қабылданады
- барлық апелляциялар С+1 күні 12:00-ге дейін аяқталады.

12.6 Құжат айналымы және нәтижелер

Апелляциялық комитет барлық құжаттарды жинауды және сақтауды қамтамасыз етеді

Нәтижелер бағаларды бұғаттау құжаттарына қол қойылғаннан кейін CIS жүйесінде деректер бекітілгеннен кейін соңғы нәтиже болып саналады.

Ресми жарияланғаннан кейін нәтижелерді өзгертуге болмайды.

13. КОММУНИКАЦИЯЛАР

13.1 Конкурсты ұйымдастырушы

13.1.1 БАҚ үшін ақпарат

Чемпионат ұйымдастырушысы жергілікті, республикалық және басқа да бұқаралық ақпарат құралдарына ресми ақпаратты дайындауға, келісуге және ұсынуға жауапты.

Чемпионат атынан таратылатын барлық ресми ақпараттық материалдар, пресс-релиздер, түсіндірмелер, жарияланымдар жарияланбас бұрын міндетті түрде Ұйымдастырушымен келісіліп шығуы тиіс.

Барлық құжаттар мен материалдарда Чемпионат ұйымдастырушысы көрсетілуі міндетті.

Чемпионат атынан қоғамдық пікір білдіру тек ұйымдастырушының уәкілетті өкілдері арқылы ғана жүзеге асырылады.

13.1.2 Келушілерге арналған ақпарат

Ұйымдастырушы келушілерге келесі ақпаратты беруге жауапты чемпионат бағдарламасы, келу ережелері, навигация, қауіпсіздік талаптары туралы келушілерді ақпараттандыруға жауапты.

Келушілерге арналған ақпаратта конкурстық тапсырмалар, олардың элементтері, бағалау критерийлері, тапсырмаларды орындау барысы және аралық нәтижелер туралы мәліметтер болмауы тиіс.

13.2 Жазба және фотосуретке түсіру

13.2.1 БАҚ

Чемпионат басталғанға дейін

Чемпионат ресми басталғанға дейін залдарда, ғимараттарда, жұмыс алаңдарында бейнежазба және фотосурет түсіруге тыйым салынады.

Тек Ұйымдастырушы аккредиттеген ресми БАҚ өкілдеріне ғана рұқсат беріледі.

Чемпионат кезінде

Чемпионат барысында алаңдар мен жұмыс орындарында бейне және фототүсірілім тек Техникалық сипаттамада көзделген жағдайларда және тәртіпте немесе Ұйымдастырушының рұқсатымен ғана жүзеге асырылады.

Бұл талаптарды бұзу Чемпионат ережелерінің өрескел бұзылуы болып саналады.

Келушілер

Келушілер фото және видео тек жеке пайдалану үшін түсіре алады.

Келушілерге тыйым салынады:

- конкурс алаңында конкурсанттармен сөйлесуге;
- сарапшылармен байланысуға;
- алаң менеджерлерімен немесе қызметкерлермен сөйлесуге;
- аккредиттелген қатысушылармен коммуникация жасауға.

13.2.1 Басқа аккредиттелген персонал Чемпионат басталғанға дейін

Чемпионат басталғанға дейін алаңдар мен жұмыс орындарында бейне және фототүсірілім тиісті құзырет бойынша Техникалық сипаттамада белгіленген арнайы ережелермен реттеледі.

Ерекше жағдайларда Ұйымдастырушының жазбаша рұқсатымен ғана рұқсат беріледі.

Чемпионат кезінде

Чемпионат барысында алаңдар мен жұмыс орындарында бейне және фототүсірілім тек Техникалық сипаттамада көзделген жағдайларда немесе Ұйымдастырушының рұқсатымен ғана жүзеге асырылады.

13.3 Коммуникация ережелерін бұзғаны үшін жауапкершілік

Келесі әрекеттер ереже бұзушылық болып саналады:

- рұқсатсыз фото немесе видео түсіру
- материалдарды рұқсатсыз тарату
- конкурс тапсырмаларын ашатын фото немесе видеоны жариялау
- келушілердің коммуникацияға тыйым салынған ережесін бұзу.

Мұндай жағдайлар Чемпионат ережелерін бұзу болып есептеледі және мәселелер мен дауларды шешу тәртібі бойынша қаралады, тиісті тәртіптік шаралар қолданылады.

14. ДЕНСАУЛЫҚ, ҚАУІПСІЗДІК ЖӘНЕ ҚОРШАҒАН ОРТА

14.1 Талаптарға сәйкестік

Чемпионатты өткізу кезінде еңбек қауіпсіздігі, техника қауіпсіздігі ,денсаулық сақтау, қоршаған ортаны қорғау талаптарын сақтау барлық қатысушылар мен ұйымдастырушылар үшін міндетті.

Әр құзыреттілік бойынша Бас сарапшының орынбасары еңбек қауіпсіздігін, техника қауіпсіздігін, денсаулық, қоршаған орта бойынша құжаттарды дайындауға және ұсынуға міндетті.

Сонымен қатар конкурс алаңында осы талаптардың сақталуын қамтамасыз етеді.

Барлық инфрақұрылым, жабдықтар, материалдар,жұмыс орындарының баптауы толық сәйкес болуы тиіс:

- Қазақстан Республикасының заңнамасына;
- чемпионат өткізілетін алаң талаптарына;
- еңбек қауіпсіздігі және экологиялық талаптарға;
- осы Ережелер мен Техникалық сипаттама талаптарына.

Ұйымдастырушы чемпионат алаңының қауіпсіздік талаптарына жалпы сәйкестігіне жауап береді.

14.1.1 Оқыту және талаптарды орындау

Ұйымдастырушы құзыреттіліктерді басқару командаларына қауіпсіздік бойынша кіріспе нұсқаулық өткізуді қамтамасыз етеді.

Ал басқару командалары бұл ақпаратты конкурсанттарға, сарапшыларға, басқа аккредиттелген қатысушыларға жеткізеді.

Нұсқаулықтан өту конкурс алаңында жұмыс істеу үшін, жабдықтарды пайдалану үшін міндетті шарт болып табылады.

14.1.2 Нұсқаулықтан өткенін растау

Қауіпсіздік нұсқаулығы жабдықты пайдаланбас бұрын Бас сарапшының орынбасары арқылы конкурс жұмысы басталғанға дейін өткізіледі.

Нұсқаулықтан өту міндетті түрде нұсқаулық журналы, хаттама немесе тіркеу құжаты арқылы тіркеледі.

Бұл құжаттар Ұйымдастырушыда немесе Бас сарапшыда сақталады.

Нұсқаулықтан өтпеген немесе бас тартқан қатысушылар жұмысқа

жіберілмейді.

Бұл талапты бұзу Чемпионат ережесін бұзу болып есептеледі.

14.2 Құзыреттілікті басқару командалары және сарапшылар

Құзыреттілікті басқару командалары мен сарапшылар чемпионатты WorldSkills Kazakhstan чемпионаттарының ережелері, тиісті құзыреттіліктің техникалық сипаттамалары, қауіпсіздік және экологиялық талаптарына сәйкес ұйымдастырады.

Олар конкурсанттардың еңбек қауіпсіздігін, техника қауіпсіздігін, денсаулық және экология талаптарын сақтауына жауап береді.

Алаң менеджерлері

Алаң менеджерлері инфрақұрылым қауіпсіздігіне, жабдықтарға, жұмыс аймақтарына, конкурс алаңы кеңістігіне жауап береді.

Қауіп анықталған жағдайда

Егер қатысушылардың өміріне немесе денсаулығына қауіп анықталса басқару командасы, сарапшылар жұмысты дереу тоқтата алады.

Жұмыс бұзушылықтар жойылғаннан кейін қауіпсіздік расталған соң қайта жалғасады.

Бұл бөлімнің талаптарын бұзу Чемпионат ережелерін бұзу болып саналады және дауларды шешу тәртібі бойынша қаралады.